



सानसेयारि 'बड'सा' खरीरालाइयाव  
समाज्यादि जिउजो लोखा थावाय रायथाय, खन्थाय,  
सल', सल'बाथा आरु हावबायादि थावनि, पार्क  
बाइदिनि स्यायव लिउरनाय लिउरिबाँ दैथाय डर!  
सानसेयारि 'बड'सा' खरीरालाइया सेबरानानै  
फोसावगोन।  
बड'सायाव लिउरनाययि डुबा खालाम,  
'बड'सा' खरी नोथां, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Saturday ★ 20 April, 2024 Kokrajhar, BTC, Assam ★ Vol.- 34, Issue No. 24 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## थामथि खोलोबनि बिसायख 'थिनि बिजाथि लाइ गथायनाया जोबबाय गासै सा 60 बिजाथिफोरा बिजाथि लाइ गथायबाय

दिसपुर, 19 एप्रिल: थामथि खोलोबनि बिसायख 'थिनि' खुनो गोनां मोन 4 लक सभा बियाबनि थाखाय दिनें गासै सा 30 बिजाथिफोरा गां 61 बिजाथि लाइ गथायो। बेनि गेजेव कक्राझार बियाबाव सा 7, धुबुरि बियाबाव सा 10, बरपेट बियाबाव सा 9 आरो गुवाहाटी बियाबाव सा 4 बिजाथिफोरा बिजाथि लाइ गथायो। बेखो लानानै थामथि खोलोबनि बिसायख 'थिनि' थाखाय दिनेंसिम गासै सा 60 बिजाथिफोरा गासै गां 126 बिजाथि लाइ गथायनाय जायो। थामथि खोलोबनि बिसायख 'थिनि' थाखाय बिजाथि लाइ गथायनाय दिनें जोबथा सानमोन।

## गिबि खोलोबनि बिसायख 'थियाव आसामआव 72.77 जौखोन्दो भट गोग्लैदों

गुवाहाटी, 19 एप्रिल: बेलासिनि 5:00 बाजिनाय लोको-लोगोनो गिबि खोलोबनि भट थुनाय हाबाफारिया जोबनानै थाडो। शुक्रबारआव फुनिफ्रायनो भट मिरुफोराव भटारफोरनि गोलाव सारि थानानै भट होनो आथुर जानानै थानायखौ नुनो मोन्दों। रइज्योनै लाख-लाख सुबुफोरा गाव-गावनि (□ 5 बिलाइआव)



## 1 नं. कक्राझार लकसभा बियाबआव गासै सा 19 बिजाथिफोरा नमिनेसनलाइ गथायबाय

कक्राझार, 19 एप्रिल: आसामआव 3 थि खोलोबनि लकसभा बिसायख 'थिनि' भट आजवावनाया फेगो 7 मे अवखालि गुवाहाटी, बरपेट, धुबुरी लकसभा बियाबजों लोगोसे 1 नं. कक्राझार लकसभा बियाबआव खुंजानोन। फेगो 7 मेयाव खुंजानो गोनां बिसायख 'थिनि' थाखाय 1 नं. कक्राझार लकसभा बियाबआव बिजाथिलाइ गथायनाय दिनें जोबथा खालारसिमाव गासै सा 19 बिजाथिफोरा नमिनेसनलाइखौ गथायदों। दिनें जोबथा सानाव बिपिएफ दोलोन बिजाथि खाम्फा बरगयारिजों लोगोसे गन' सुखा पारिनिफ्राय साथाम बिजाथिफोर फारिथै- नब' कुमार शरनिया, गनश्याम दास, बनिता डेकाआ (□ 5 बिलाइआव)

## नागालेण्डनि दर 6 जिल्लानि सुबुफोरा भट होनायनिफ्राय जानगाराव थादों

गुवाहाटी, 19 एप्रिल: दिनें खुनाय गिबि खोलोबनि लक सभा बिसायख 'थियाव' भट होनायनिफ्राय जानगाराव थादों नागालेण्डनि दोलो-आफाद आरो गोबां राइजो-राजाफोरा। दरसे-दरसे गामिनि राइजो-राजा नख, सा-सान्जानि बे रइज्योनै गासै दर 6 जिल्लानि गासै सा 4 लाख सुबुफोरा भट होनायनिफ्राय जानगाराव थादों। बिसायख 'थिनि' सिगां सोनाव नागालेण्डनि दर 6 जिल्लायाव भट होनायनिफ्राय जानगाराव थानो थाखाय सान्जा नागा सुबु आफाद इपनिअआ (□ 5 बिलाइआव)

## बिपिएफ दोलोन कक्राझार लक सभा बियाबनि बिजाथि खाम्फा बरगयारीआ बिजाथि लाइ गथायबाय कक्राझार लक सभा बियाबाव बिपिएफ हान्जाया गोबां भटजों देरहागोन: खाम्फा

कक्राझार, 19 एप्रिल: थामथि एबा जोबथा खोलोबनि बिसायख 'थिनि' बिजाथि लाइ गथायनाय दिनें जोबथा सान। दिनें जोबथा सानाव गोबां हेफाजाबगिरिफोरखौ लानानै गावनि न'निफ्राय जोहोलाव दैमालु लामाजों हान्जा सुरनानै गावनि बिजाथि लाइ गथायो खाम्फा बरगयारीआ। मैया एनडिएनि बिजाथि जयन्त बसुमतारिआ माखासे हेफाजाबगिरिफोरखौ



लानानै बिजाथि लाइ गथायनायि उनाव दिनें कक्राझारनि 'बड'फा नोगोराव थानाय बिपिएफनि बिजाथि खाम्फा बरगयारीनि न'निफ्राय जागायजेनाय बिजाथि लाइ गथायनायि गेदेस्थार हान्जा सुरनानै गुबुन मोनसे नोजोर बोथावनाया जादों बिपिएफ (□ 5 बिलाइआव)

## झारगावआव सरनिया कछारि बास गसाइ फोर्बो फालिदों मोनफ्रोमबो हारि-माहारियानो अनलायनानै गोजोन-खौसेथिखौ लाखिनांगो: प्रमद बर'

उदालगुरि, 19 एप्रिल: सरनिया कछारिफोरा गुदिनिफ्रायनो जनजाति सुबुं। मोनसे गोजाम जनजातिनि माहारिनिफ्राय फेनाय। बे बाथ्राया जारिमनिनि बिलाइफोराव रोखा-रोखा लिउरजानानै दडा अबलाबो सरनिया कछारिफोरखौ जनजातिनि मानखौ लानानै जाय समाव नंखाय अजद सिखांबाय थादों बे समावनो सरनिया कछारि फरायसा आफादनि बारग' आफादगिरि धरमेस्वर (□ 5 बिलाइआव)



## कक्राझारआव जोबथा सानखालि सा 6 बिजाथिफोरा बिजाथिलाइ गथायदों

एसटि फोरमानलाइ दानजानायनि उनावबो  
नब कुमार सरनियाआ बिजाथिलाइ गथायदों



कक्राझार, 19 एप्रिल: बावेसो सान सिगां गोजौ बिजिरसालिया एसटि फोरमानलाइखौ दाननानै होनायनि उनावबो 1 नं कक्राझार लकसभा बियाबनि बिजाथि महेरे नब कुमार सरनियाआ बिजाथिलाइ गथायनायखौ नुनो मोन्दों। गावनि हेफाजाबगिरिफोरखौ लाफानानै बिसायख 'थियायारि नेमखान्थिनि गेजेरजों बिजाथिलाइ गथायखांनयनि उनाव खौरां बिजोन सिगाडव मोनसे समआव गावनि साखाथियाव थानानै हेफाजाब खालामनाय ब्रजेन महन्तखौ गोर्खों रावजों सौखारियो। बिगावआरि बिथिडव जाहाथे नब कुमार सरनियाखौ रावबो गाग्लोबा बेनि थाखाय सरनियाआ हुमखि हयो। मख'नो (□ 5 बिलाइआव)

## फैगो 22 एप्रिलआव खुंगा 54 थि भातकुसि बैसागु फालिथाइनि जोबथा हाबाफारि

दिपेन चन्द्र बर' रडिया, एप्रिल: फैगो 22 एप्रिलखालि कामरुप जिल्लानि रडिया महकु मारिनि बेन्दोखव थानाय 79 नं भातकुसि गुदि फरायसालि लांगोनायाव भातकुसि रंजालि बिजाब बाखिनि बान्जायनायाव खुंगा 54 थि भातकुसि रंजालि बैसागु फालिथाइनि जोबथा हाबाफारिखौ खुनाय जागोन। हाबाफारि बादियै, (□ 5 बिलाइआव)

## इउपिपिएलआ 500 राडै हाजिरा होनानैसो सुबुं गौमायाव सुबुं लाबोयो: हाग्रामा महिलारी

कक्राझार आरो दर-उदालगुरि बियाबआव विपिएफजों रावबो बेरेखा बादायग्रा गैया

कक्राझार, 19 एप्रिल: दिनें 3थि खोलोबनि बिसायख 'थिनि' थाखाय बिजाथिलाइ गथायनाया जोबथा सानमोन। बेनिखायनो गिन फिल्डनिफ्राय गोबां रोजा-रोजा हेफाजाबगिरिफोरखौ लानानै हान्जा सुरनानै बिपिएफनि बिजाथि खाम्फा बरगयारीआ बिजाथिलाइ गथायनायखौ नुनो मोन्दों। बे हाबाफारियाव बिपिएफनि गहाइ



सोद्रोमा गबिन्द बसुमतारि, उदालगुरि जिल्ला एबसुनि आफादगिरि कर्नेलियास दैमारी, थुनलाइगिरि प्रसन्न कुमार बर', उदालगुरि जिल्लानि फरायसालिफोरनि आजिज मोनाय (□ 5 बिलाइआव)

हाग्रामा महिलारी, देरहासाद बसुमतारि, दनेस्वर गयारि, दोलोन गोबां दैदेनिगिरि-मावफारियाफोरजों लोगोसे रोजा-रोजा राइजो-राजाफोरानो बाहागो लानो हानायखौ नुनो मोनो। गिन फिल्डनिफ्राय कक्राझार जिल्ला बे'गिरि मावख'सिम हान्जा (□ 5 बिलाइआव)

बड'सा थादें/उदालगुरि, 19 एप्रिल: दिनें 19 एप्रिल थामहिनबा दिनेनि बे सानावनो बर'नि आगोमा फिसा फोरदाना दैमारिया मेगन गोसा सुथुरनि आखायाव गोग्लेना गावनि बेसेनगोसा जिउखौ बाउनो गोनां जादोंमोन। उदालगुरि जिल्ला पानेरि ओन्सोलनि सिडव थानाय मैखोम बर' गामि सोमलिगुरियाव (□ 5 बिलाइआव)



## 26 थि रंजालि बैसागु फोर्बोआ खुंफुंजाबाय

कलाइगाव, 19 एप्रिल: कलाइगावनि प्रगतिशिल जनमन्वआव खुनाय 26 थि रंजालि बैसागु फोर्बोआ थानाय बृहस्पतिवारखालि मेहेर गोनां हारिमु मोनाबिलि हाबाफारिजों खुंफुंजायो। बिदिसिनि लेडइ गहाइ मावफुं



भवानिपुर, 19 एप्रिल: मानास माहारियायि पार्कजों नंजावनानै थानाय बासवारि गेलेग्रा फोथारव मानास आन्सलिक फरायसा आफादनि बान्जायनायाव आरो बासवारि राइजोफोरनि हेफाजाबनि साननैनि मेहेरगोनां हाबाफारिनि गेजेरजों खुंफुंजानाय मिरु रंजालि

## मानास आन्सलिक फरायसा आफादनि बैसागु फोर्बो फालिनाया थुंगेबाय

बैसागु फोर्बोआ गहामे-गहाम थुंगेलाबाय। मख'नो गोनादि, मैया मोनाबिलिनिफ्राय बे फोर्बोआव मोनसे गुबुन गुबुन माहारिफोरनि हारिमुयारि दिन्थिफुं लायनाय हाबाफारिया जानानै थाडे आरो बे हाबाफारियावनो लादों बैसागु (□ 5 बिलाइआव)



बैसागु फोर्बोआ गहामे-गहाम थुंगेलाबाय। मख'नो गोनादि, मैया मोनाबिलिनिफ्राय बे फोर्बोआव मोनसे गुबुन गुबुन माहारिफोरनि हारिमुयारि दिन्थिफुं लायनाय हाबाफारिया जानानै थाडे आरो बे हाबाफारियावनो लादों बैसागु (□ 5 बिलाइआव)



## सुजुगिरिनि खोलोम

### फिथाइ-सामथाइ थिनानै दोन्नाय

सुबु देहानि थाखाय बायदिसिना मैंग-थाइंग, ना-बेदर, दावदैफोरखौ गोबांसिनै गोनांथि होनाय जायो। बेफोर मुवा-बेसादफोरखौ जायोब्लासो सुबु देहानो गोनां जानाय मुवा एबा बेसादखौ मोनफुंनाय जायो। बिब्दि मुवायासो सुबु देहाखौ गोमगो आरो गोखौं महैरै लाखिनायाव मदत होयो। देहानो गोनां जानाय मुवा बेसादफोरनि गेजेरव फिथाइ-सामथाइनि बिहोमायाबो एसेल' नड। जौनि गामिफोराव गोबाडै-नो मोनफुंनाय बाइदिसिना रोखोमनि फिथाइ-सामथाइफोरनिखुइ गुबुन जायगा एबा राइज्यो, हादतफोरनिफ्राय सौफेनाय फिथाइ-सामथाइफोरखौ देहानि थाखाय साबसिन होन्नानै सान्नाय जायो। बेल' नड, जायगानि सोलायै गुबुननिफ्राय फेनाय फिथाइ-सामथाइफोरखौ आजावने फाहामगिरि आरो देहा रेंग'सादफोरबो बोसोन होनायखौ जौं नुनो मोनो। बेराफारसे गोथाव जाथोनि गुबुन जायगा, राइज्यो आरो हादतफोरनिफ्राय लाबोनाय फिथाइफोरखौ एग्रे-बेग्रे मोनफुंनो हानाय जानायलाय गोबाडनो जायगानि फिथाइ-सामथाइनि सोलायै गुबुननिफ्राय लाबोनाय फिथाइफोरखौ बांसिनै आजावनायखौ नुनो मोन्नाय जायो। बेफोर जाहोननि थाखायनो जायगानि फिथाइ-सामथाइफोरखौ सम सम नायफिनै, गोनांथि होयै आदि जालानायबो नुनो मोन्नाय जायो।

जौनि ओन्सोल, गामिफोराव गोळैथैनो मोनफुंनो हानाय खन्थाल, थाइजौ, बैग्रि, नारं जुमब्रा, जाग, गोदैमुगि, आसुगु, जलफि, थाइसुरि, खामब्रेण, सेलेखा, सुमफ्राम आरो बायदिसिना गोदै, गोखे, फादुब, गोखा, खैरोम-दैरोम स्वादिनि फिथाइ-सामथाइफोरखौ आथिखालनि सुबुंफोरा नायफिनै, खुगायाव सोयै, जायै जालानायखौबो नुनो मोन्नाय जायो। जाडनाव सिरिनानै आदि जालानायखौसो नुनो मोनो। गामिफोराव मोनफुंनाय बेफोर गोदै, गोखे, फादुब, खैरोम-दैरोम जाथोनि फिथाइफोरबोदि, -देहानि थाखाय गोनां जायो, बेखौ गोथौयै सान्नाय नायनो रोडेनि थाखायबो जौं बेफोरखौ नागारो हमबाय। गामिफोराव मोनफुंनाय बेफोर फिथाइ-सामथाया जैरै गोदै, गोखा, गोफा, गोखे, खैरोम-दैरोमजौं बुंफबनाय देहानि थाखाय गोनां। मुलिआरिजौं फोमोन्नाय, एम्फौ जानो हायै खालामनाय आरो गोबाव सम थिनानै लाखिनो हानाय फिथाइनिखुइ गामिफोराव मोन्नाय फिथाइफोरा गोमगो आरो थाजिम रैखाथि गोनां। गामियाव मोन्नाय फिथाइफोरा गेसाव-गोफोन, फिसा, थेफा-थेफिक्लाबो नाथाय गोमगो आरो गिनाडै जायो। बाइजोआव मोन्नाय मुं गोनां बेसेन गोसा फिथाइफोरा नायनो मोजां समाइनाब्लाबो गामिनि बारिफोराव मोन्नाय फिथाइफोरा बेफोरनिखुइ माब्लाबाबो गुण गैयै देहानि मदत होयै जानो हाया। सिगां समाव बारिनि खन्थाल, थाइजौ, बैग्रि, सुमफ्राम जानानै गोमगो, गोखौं देहानि बिगोमा जानो हायोमोन गामिनि सुबुंफोरा। बोथोराव मोन्नाय बारिनि फिथाइ-सामथाइनि अनगायै गुबुन फिथाइफोर मोन्नांगौया माखासेनि थाखायल' जाथावनामोन। गामिफोराव खन्थाल बिफां गाखोनानै जानाय, थाइजौ गोथोनि खाजि जानाय नुनो मोनबालिया। सिगांनि बायदि गामियाव एरैनो गेलेबायनानै थानाय गैलिया, फरायसालियानो आथिखाल बिसेरनि न', बारि बागान, फोथार जालांबाय। लाइमोनफोरा खामानियाव नांथावनानै थानो गोनां जाबाय फरायनायजौं लोमोसे। बिब्दि थासारि आरो हाथाय-बाजाराव गुबुननि फिथाइ-सामथाइ मोनफुंनो हानायखायनो-गामिफोराव मोन्नो हानाय गोफा, गोखे फिथाइफोरा नायफिनजायै आदि जालानायनि लामा मोन्नो हमदो जांनांगौ। गामिनि जाबखो जाबखो भिटागिनजौं बुंफबनाय गोदै, गोखा, गोफा, गोखे, खैरोम-दैरोम जाथोनि फिथाइ जानो नागारलानो हमनायावनो दिनै गामियाव मोन्नाय फिथाइ-खन्थाल, थाइजौ, नारं जुमब्रा, जलफि, थाइसुरि, बैग्रि बाइदिसिना फिथाइफोरनि आदि जालानाय नुनो मोन्नाय जायो। बेफोर फिथाइफोरखौबो थिनानै गोबाव सम बाहायनो हाथावना खालामनो हायोब्ला बेजौंबो आर्जिनार्यनि लामा मोन्नो हागौ।

## दिनैनि फान्जामुथि

### राशि बाइदियै मुनि गिवि हांखो

**मेष** : अ ल **वृष** : ऊ ब (उ ए इ) **मिथुन** : क ङ (ङ घ) **कर्कट** : ड ह **सिंह** : म ट **कन्या** : प ठ (ण ष) **तुला** : त र **वृश्चिक** : ब न **धनु** : ध भ (ढ़ फ) **मकर** : ख ज **कुम्भ** : ग श (स) **मीन** : द च (ख ज झ)

	<b>मेष</b> : जेखि खामानियानो मावा मानो हेंथा मोन्नो हागौ। सान्नाया फेलें थानो हागौ।
	<b>वृष</b> : देहा थासारिया मोजाडै थानाय नड। गोसो हमथानानै सोलिनांगोन।
	<b>मिथुन</b> : माबाफोर खामानि जाफुंनो हागौ। गोसोआव रंजाखानाय फैगोन। मोजां सान।
	<b>कर्कट</b> : बेफार फालांगि मावनायाव रंखावरि मुलाम्फा मोन्नो हागोन। गोजोन मोनगोन।
	<b>सिंह</b> : बायदिसिना सानखानानै जिंगायाव गोमलैनो हागौ। गोसोखौ लोरबां लानो नाड।
	<b>कन्या</b> : मानिबा आदालदफोर दड'बा जोबखानाय फैगोन। गोसोखौ शान्ति मोन्नो हागोन।
	<b>तुला</b> : जेखि जाया न'नि गोथार खामानि मावनानै लानो हागोन। सान्नाया जाफुंनो हागौ।
	<b>वृश्चिक</b> : बहाबाफोर दावबायहैनो मोन्नो हागौ। गोजोन मोनगोन। मोजां सान।
	<b>धनु</b> : सुथुरफोरखौ फेजेन्नो हागोन। नख'रआव शान्तिआ फैगोन।
	<b>मकर</b> : जेखि मावा मुलाम्फा आरजिनानै लानो हागोन। मोजां सान।
	<b>कुम्भ</b> : जैरैबो रंजा-बाजा खालामनानै थानो हागोन। गोजोनै सम बारहोनो हागोन।
	<b>मीन</b> : सान्नाय-हनाय गियानआ बांलांगोन। फाफ्रोमथिबो मोजां।

# बर' राजा कृष्ण चन्द्रया गावनि धोरोमखौ मानो नागारामोन ?

## बकुल चन्द्र बसुमतारी

ई 1790 माइथायनि बाथ्रा। खोला आसामाव बर' राजा कृष्ण चन्द्रआ गोमोग राइजो खुंगासिनो दंमोन। बिनिसिबांबा सिगांनि गिबियावनो गामिबो भारतआव हिन्दु धोरोमा गोसार जोबखाबायमोन। हिन्दुफोरनि बर्ण प्रथाया बयनावबो गोसारनो लाजोबबायमोन। हिन्दु धोरोमनि दै बानाया बेंगल आरो आसामआवबो लोमनो लाफैब्यायमोन। भारतनि गामिबो राजा महाराजाफोरा हिन्दु धोरोमनि फाख'नआव सिम्ब्रे जानानै गावसोरखौ हिन्दु फोलेरनि होन्नानै लानो हमजोबखाबायमोन। बर'-कसारि राजाफोरा डिमापुरआव राजथाउननि लुनानै राइजो खुंनाय समाव हिन्दु धोरोमनि बार हुंखाआ बिसेरनि नख'रआवबो बुगलाबफैदोमोन। सोनाबनि बिन्दु सुबुंफोरा डिमापुराव हाबफैनायै बर'फोरनि खोमायाव हिन्दु धोरोमनि सान्थौफोरनि बाथ्राखौ सोनानै होफैदोमोन। बिनिसिबो बेंगलआव राइजो खुंनाय बर' राजाफोरा हिन्दु फोलेरआव हाबनानै गावसोरखौ हिन्दुफोर होन्नानै लाखांखाबायमोन। मेच राजा बिश्वसिंह, नरनारायन मोनहा हिन्दुयाव हाबनानै गावसोरखौ राजानि बंश राजबंशी होन्नानै फोसावखांबायमोन। सानजानि आरो खोलाहानि बर'फोरा हाया हाया गावसोरखौ बर'फोलेरनि दुरुं जौं खानानै लाखिनो नाजाबाय थादोमोन। नाथाय बर'फोरनि बे दुरुंडा सानसेखालि जनानै थादोमोन। बिसेरबो हिन्दुफोरनि धोरोम आरो सान्थौखौ गनायनो गोनां जादोमोन।

हिन्दु धोरोम फोसावगिरि हिन्दु बामोनफोरा सानसेखालि बर' राजा कृष्ण चन्द्रनि सिगाडव बुफैदोमोन : मानाव गेदेर राजा कृष्ण चन्द्र, नोंथाड इनायनो गोहो गोरारो नोंथाड जेरावबो मुंदांखा। नोंथानि फोरजा बंनय आरो राइजो खुंनाया जोबोर बाख्याय जाथाव। नोंथानि गोहो बोलीया सोरगोनि राजा इन्द्रनि समान। नोंथानि मुंखौ सोरगो, बुहुम आरो पातालपुरिनि बयबो मिथिजोबगौ। नाथाय नोंथांहा मोनसे खहा दडा। बे खहाया जाबाय, नोंथाड दाबो हिन्दु नड। संसारनि नियमआ बेखौनो थिनयो दि, राजाफोरा क्षत्रिय फोलेरनि सुबुं जानो गोनां। गुबुनफोर सुबुंफोरा राजा जानानै राइजो खुंनो मोनथाय गैया। बिदि सुबुंडा राजा जायोब्लाबो मोदायफोरा बिखौ राजा होन्नानै गनाया। फारसेजौं, हिन्दु नडै सुबुंफोरा संसारव म्लेच जानानै भुगिनाडो। बिसेरखौ मोदायफोराबो नेवसिगारयो। बिनिसियावनो मानाव गेदेर राजा कृष्ण चन्द्र, नोंथाड हिन्दु धोरोमाव हाबनानै क्षत्रिय जानानै गुस्तायदो। हिन्दुआव हाबनानै मोदायफोरनि अन्जालु जानानै राइजो खुंदो। सोरगो बुहुम आरो पातालपुरिनि जेरावबो जैरैबो मुंदांखा जानानै राइजो खुंदो। हिन्दु बामोननि खोथायाव राज कृष्ण चन्द्रआ

हिन्जाव हिडिम्बाखौ लो गो मोन सनदो मोन। हिडिम्बाखौ नुग्रोमाना भीमआ हिडिम्बा नि महर मोखाडव जावलिया जादोमोन। हिडिम्बाखौ हाबा खालायनो बियो जाउलिया जाखांदोमोन। फारसेजौं, हिडिम्बायाबो भीमनि देहा मोदोमखौ नुनानै भीमजौंनो जुलि लानो थाखाय बिनिसोसाआ बोखंडोमोन। बिदिनो भीम आरो हिडिम्बानि हाबायाबो जानानै थादोमोन। सानसेखालि साबा पाण्डबफोरा गावसोरनि राइजोआव थांफिनदोमोन। हिडिम्बाया भीमनि फिसाखौ गावनि गोरबोयाव लानानै डिमापुरआवनो थालांदोमोन। उनाव हिडिम्बाया बे गथ'खो जोनोम होदोमोन। बे गथ'नि मुंखौ घटतक'च होन्नानै गावजिनाय जादोमोन। घटतक'चआ इनायनो गोहो गोप बोलगोरा जानानै देरबोदोमोन। बिमानि माया बिद्याखौ घटतक'चआ सोलोनानै लादोमोन। गावनि बोली आरो मायाजौं बियो संसारनि गोहो गोर सुबंफोरनि मादाव सासे सुबुं जानानै फैदोमोन।

महाभारतनि कुरुक्षेत्र घटतक'चआ पाण्डबफोरनि जानानै रोन हैदोमोन। महाभारतआव लिरनाय जादो,

## सुंद'सल'

मुश्री धनेश्वर बसुमतारी

दिहिरा गामिनि नैसोनआ सि.आर.पि.एफ. आव साखि मावनाया बोसोरथाम जाबाय। दा बियो गावनि जोनोम जायगाखौ नागारना बेसेबा रिड-रिड गोजान उरिष्वा हादोदसनि सिट्काण्डा होन्नाय दाबसे जायगायाव बोसोरनै जाफैबाय दीउती मावफैनाया। बिनिसियावनो जोनोम जायगा आरो नखरखौ नायखानो गोसो जानायलाय दाननैनि सुटिनि आरज बिलाइ होनायसै नैसोना अफिसार इन्सासोनो। इन्सासआबो मानिनायसै।

सानसेखालि सानथामनि उनाव न' मोनफैनायसै। नैसोना खामसालिआव जिरायना थानाय बिमा बिफाखौ गुगुरुब खुलुमफैनायसै। बिमा बिफाया खुसि मोन्नानै बोर होनायसै जिउ गोलाव जाथो होन्नानै फिसाखौ। बिदा बिबाजैआबो मा होगोन मा दोनगोन जालायबाबो नैसोना। दुगैखां जाहोखानायनि उनाव बिनानाव रिनायाबो गंसे रमाव उन्दुनो लिलाडो। नैसोना लाबोफानाय आपेल, आंगु, नारं कमला फोरखौ नखरनि बयबो रान्ना जालायबाय। बिब्दिनो हरसे बारलांबाय। देवालि फुजा एबा हलिआव नखरनि रासैनोबो गोदान सि बायना होयो, फुजा नायनाय मुडव गांफोरखौबो रान्ना होयो। नैसोनाआ गावनि सिगां कलेजाव फरायजाबनाय सेंग्रा सिस्खाफोरनोबो मिथाइ जाहोयो, फिल्म नायज्जायो फुजायाव। गोबां मोजां सिस्खाफोरजौं फुजायाव लोमो मोनज्जायना बिनिसोसाआ अराय सम अनजालि सिस्खाफोरजौल' बेरायथिंग्रा जालाडो। बियो गावनि नखरनि सुबुंफोरखौबो बावगारलालायो।

बिब्दिनो रंजालि बैसागु बोथोरखौबो बरायहरो नैसोनआ। बे गोदान बोथोराव नैसोनआ गोदान मिजिनि गाबजौं एबा आबि रारफावनायजौं संसारखौ नुदो। बिफां-लायफां, दावसेन-दावलाफ्राबो, ना खुरसाफ्राबो जुलिलायै लायै समाय होदो मिथिंग्रा राणीखौ। जानांगौ नैसोनाबो बायदिखौनो सानदो।

सानसेखालि नैसोनआ गावनि बिमाइ मोननि गामियाव आलासि जाहैयो बैसागु बोथोरावनो। बेसेबा गोबावजौं दिनैसो फेनाय दसेनि आलासिखौ जायबाबो जौ, दाव, अमा बेदर बुथारलायना जाहोदो लोहोदो बिमाइ मोनहाबो। जौनि मदिरायाव गोमलैना नैसोना जेबो सानस'नो हायासै गाव बुंफलांनय फंसे बाथ्राखौ। बिमाइनि फिसाज्जानि हिनजावखौ बिबाजै जानायलाय इसे एदावहरसायसै नैसोना। ओइ बाजै- बाजै- आनि जीउखौ दैदेनो, नखर सालायनो सासे आगै दोरखार जाबयलै बाजै। नोंसेर लागोनिफ्राय सासे महर गोसा सिस्खा नायना हरदोब्रा बाजै। बिबाजैफ्रा बिब्दियावबा एक्सपाट्टा। बियो मिनिनानै फिन सौंफिनो- नोंनोलाय गुफुरना, गोसोमना, सोमज्रौयै नायनो मोजां सिस्खा नांगौ ? ओइ बाजै, नोंसेर गामिआव खन्थायश्री मुनि सिस्खा दनो ? माने नुनायावबो समायना, आखल आखुआवबो जेना। बिखौनो सोंनो थिनहरदोलै बाजै आइ आफामोनखौ। र' एसे सान्ना नायग्रो नों आगै नौनि बैसोआबो हाबा लानो हाथाव सम जायाखै। फारसैथं नौनि सुटिआबोथ' नैजिबा सानल'सै। उनाव जौंखौ दुसिनो मोन्नाय नड दे आगै।

सानसेखालि नैसोना गामियाव लोमोफोरजौं जौ लौना एन्जयमेन्ट खालामदो। बियो लोमोफोरखौबो बुडो- ओइ अनजालु, अनिल, नोंसेरबो नामावसो सेंग्रा आंनो आगै सासेखौनो लाबोना होफैनो हाया। नोंसेरबा हले हिनजाव मोन्नो रोडेगोजासो दे। लोमोफ्रा लाजिहां रागाजौहां जालायो होद नोंनो लोमोदोब्रा नोंफ्रा साखि दं बाखि दं, जौहालाय मा दंखाय ? जौ फेना नआव बाज्रैत बाश्रैद हाबफैयो आरो बखिलाबायो। आं नायनो थिन्याय हिनजावखौ गाबोन लायथारदोलै नोंसेर मा बुजियालै। बिमा बिफाया अरायबो फिसानि मोजांखौ हास्थायखायो। अखानायै

राजा कृष्ण चन्द्रआ जोनोम मोनदोमोन आरो हिडिम्बापुरीनि राजा जादोमोन।

दानिआ बे लिरनाय बाथ्राफोरा। बिसिबां फोथायजाथाव बेखौ बिजिनानै नायनायिन। गामिबो बिजिनानै नायोब्ला नुनो मोनगोन दि, बर'फोरा भीमनि बंशनिफ्राय ओंखारबोनाय होन्नानै लिरनाय बाथ्राया सैथो नड। बिनिसिबांफोरखौ बुरन्नानै गाहायाव फेनद्लानानै होनाय जाबाय।

क. महाभारतआ सानखानानै लिरनाय मोनसे बिजाब। महाभारतआव लिरनाय जाथायफोरआबो गामिबो गोसोजौं सानखानानै लिरनाय बाथ्राफोर।

ख. युधिष्ठिर भीममोनहाबो सानखानानै सोरजि जानाय। ग. बिनिसिबांफोरखौ नुनो मोनगोन, बनबासनि समाव भीममोनहा हिडिम्बापुरीआव फेयाखैमोन।

घ. महाभारतआव लिरनाय हिडिम्बा आरो घटतक'चआ हारियाना आरो राजस्थानआव राइजो जानाय मीना सुबुंफोरनि मोदायफोर। बिसेरखौ मीनाफोरा दाबोनो सिबिगासिनो दं।

ड. मीनाफोरनि गुदि फोलेरनि सोमोन्दैबो बर'फोरनि गुदि फोलेरखौ लिरनाय बादिनो लिरनाय जादो।

च. हिडिम्बा आरो घटतक'चआ मोनसे समायावनो रोजा रोजा माइल गोजान जालायनाय जायगा हिडिम्बापुरी आरो हारियानाआव राइजो जादोमोन होनोब्ला बियो गनायजाथाव बाथ्रा जानाय नड। होमब्लालाय मानोथो बिदि लिरनाय जादोमोन ? सौलुनाय सोमजिखांगोन। बे सौलुनि फिननाया रेनो दि, बिदि बादि लिरनानै रोन होनाडा जासे हिन्दुफोरा गामिबो भारतआव हिन्दु धोरोमखौ फोसावनो हादोमोन। गामिबो राजा महाराजाफोरखौ हिन्दु फोलेरनि क्षत्रिय हाज्जायाव सोनानै लानो खाबु मोनदोमोन। बेखौनो जासिमिन लिरगिरिफोरा हिन्दुफोरनि बयनिखुइ गेदेरसिन आरो खामानियाव होनाय गोखौंसिन राजखान्थि होन्नानै गनायनो गोनां जादो। बिदिबादि सोलिनायखौ बर'फोरनावल' खालायनाय जायाखैमोन। गुबुनफोरनावबो खालायनाय जादोमोन। थफातआ बेनोलादि, गुबुन सुबुंफोरआ गामिबो फुरा हिन्दु जाजोबनानै थादो। नाथाय बर'फोरनि माखासेआ गावसोरनि गुबैथिखौ लाखिनानै दिनैसिम संसारव राइजो जागासिनो दंबावयो।

## नों जौंखौ दुसिनो मोन्नाय नड दे

नेसोन बिमाइ मोनखौ लानानै खन्थायश्रीखौ हाबानि खालार थिग खालामहैयो बिमा बिफा मोना। बिब्दिनो सानसे बैसागनि जिसे खालारखालि नैसोन आरो खन्थायश्रीजौं गाजा जोमजायै हाबा जाना थाडो। नाथाय हाबा खालामनानैबो नैसोना जेबो सुखु मोनाखिसै। मानोना बिनिसुटिआ आरो सानबाल'सैमोन। खन्थायश्रीआबो जानो हागौ बि थानोसै समाव बेसेबा गोथार मोजां मोन्नाय आरो अनज्जायनायखौ गोसोखाना मेगन थायनेनिफ्राय बे बुहुम बिखायाव मोदैनि बाना बोहै लांदोमोन। हिनजाव मोनहानि नआवबो बिदाय हैबाय बिहाव बिखुनजोमोनखौ। बिब्दिनो मे दाननि बा खालाराव गावनि पष्टआव हाजिर जाहैबाय नैसोनआ गाबै-गाबै माब्लाबानो उरिष्वा हादोदसा मोनहैबाय। बिब्दिनो नैसोनआ बेवहाय बारा गोबाव थाबाय थानो मोजां मोनला। सान्ने सानथामखौनो दानसे गामाह दिन थानाय बायदि मोन्नायसै बियो। गावहा नख'राव फन गैथैनि थाखाय इसे असुबदा जायो खबर हरनो। थैवब्लाबो गामिआवनो नैसोनआ फन हरो गावनिनो असो बिब' बिगुमै मोन्नाय। बिब' मोन्नाय सोहरसै फनजौं-आनि हिनजावआ मोजाडे दंदा गैया आब ? बिखौ लिला लाबोनानै रायज्जायो नैसोना खन्थायश्री नों बारा खस्त' खामानिखौ मावनाड दे, आं थासान्दिआव नखरा आंखौ जेबो बुंनो हाया। बारा बाहेरावबो दा बेराय आं नोंखौ नुनो मोनब्लासो गोजोनसै खन्थायश्री नै आं जुननि नैजि खालाराव नआव थांसिगोन। नआव खिन्था। दे बिदिब्ला दिनै एंगार'बाय होन्ना दोन्नायसै फनजौं रायज्जायनायखौ। बिब्दिनो दानसे हगारहरबाय गावनि दिउतीआव। नाथाय बिनिसोसा नखरखौ सानै सानै गोसोनि बेरामजौं गाम्लोबजानायसै। जेबो खामानिखौनो मोजाडैमावफुंनो हाला बियो रागाजौं सिलाइफोरखौ गावगारला बायो नाड-फाड खामानिआव। जायनि थाखाय कामाण्डरफोरजौं नालिसनि अनजिमा गैयै साजा सहायनाडै नैसोना। बिजौं मावजाबनाय लोमोफ्राबो गोमोहावनो गोनां जायो आरो बिखौ बुजायनानै नआव थानो थिनहरनायसै।

सानसे नैसोनखौ लोमो सासेआ नआव दोनफेना थाडो। बे बाराव फेनाय नैसोना सिगांनि नैसोन नंलामोन। मानोना बियो गावखौनो मुगैग्रा जाबाय आं मानो हाबा जाखो ? आनि गेदेर बेसोनि गोबां सेंग्रा लोमोफ्रानो दाबो हाबा लायाखै। सान्नाया इसेबो थिर गैया बिहा मोनसेनि उनाव मोनसे फेबाय थायो। सासे हिनजावनि थाखै इसेबां खस्त' सहायनांगौ दड। एसेबां गोथार मोजां मोनज्जायना संसार जानो सान्नाया जेबो थांथि गैयै निरासा बायदि जालाडो खन्थाइश्रीआबो। थैवबो नखरनि अन्नायाव थुलुंगायाव थाना थादो। नैसोनखौ गोबां डाक्टर अजाजौं नायहोदो मोदाइ दावदायनि साया नांदो सान्ना नाथाय रावबो डाक्टर अजाया गोसो बेरामनि जेबो मुलि गैया होन्ना बुंहररो। नैसोना दा बावगारलानोल' सानसै गावनि बिसि खन्थाइश्रीखौ। एसेबां अनसुलिब्लाबो नों आनि जानो हाया होन्ना सानो नैसोना। जानो हागौ उन्दै बैसोआव हाबा जायोब्ला गुवार संसारखौ गास'नो हाया जायो बायदिसिना गात्रि रिपु (Tension) जौं गोसोखौ गुन सुनाय बायदि खालामो। लोमोफोराबो गोबां बुजायो। थैवबो रावबो बिनिसोसोखौ बुजायफिनो हायाखिसै। लोमोफोरखौ बियो खैखासो बुंलाबायो। नोंसेर आनि जिउखौ सेस खालामबायलै हिनजाव लाबोना होफैनायै। नोंसेरनो लाहैदोलै आनि हिनजावखौ आंजो समायथारालै लोमो आनि खुरेबो बैसोआबो इसे देरसिन जागोन आरो गोसोमथार। नैसोना गावखौनो समायना सान्ना लायो मानोना बियो गुफुर मदे' दं जांगिला सासे सि.आर.पि.एफ. जवान। बिनिसिबांफोरखौ आं जेबो गुगुर लानो गारनायसै।



## लाइमोनफोरनि गोसो बोनो थाखाय बिजेपिया भट फर दा गट केम्पेन जागायदों

गोदान दिल्ली, 19 एप्रिल : हादतनि माखासे राइज्योफोरव दिने 19 एप्रिलनिफ्राय लक सभा बिसायख 'थिया जागायबाय। बिसायख 'थि फोसावदि'खौ नोजोर लाखिनानै बिजेपिया लाइमोनफोरनि सायाव नोजोर होना भट फर दा गट (ग्रेटेस्ट अफ अल टाइम) मुनि मोनसे गिदर केम्पेन जागायदों, जेराव लाइमोनफोरखौ गाहायै नोजोर होना थानाय 10 बोसोराव स्पटर्स, स्टार्टआप, मेक इन इन्डिया आरो सोलोथाइ बायदि बिथिफोरव आजावनाय थांखिफोरखौ रायखानाय जादों। लोगोसेनो रांखान्थिखौ गोखों खालामनो, गेनाखान्थिखौ फोजोबनो आरो करनानि समाव हादत आरो मुलुगनि गुबुन हादतफोरनो मदत होनाय मदि सरकारनि थांखिफोरखौबो मख 'फानाय जादों। फारसेथिं बे केम्पेननि गाहाइ थांखिया लाइमोनफोरखौ बिजेपिनि थाखाय भट होनायनि बाश्चा बुनाय दड। गासै 3 मिनटनि बांसिन समनि बे भिडिअनि गेजेरजों जागायनाय केम्पेनखौ लाइमोनफोरनि गोसो बोनो हानाय



देंखोनि दोहोआव माखासे ओरैबायदि गोरोबहोनाय जादोंदि, जायखौ नुनानै साफ्रोमबो लाइमोन मदि सरकारनि मावनाय खामानिफोरनि सायाव गोमगनाय मोन्दांथिगोन। बे केम्पेनआव गाहाइ मन्थि मदिखौ ग्रेटेस्ट अफ अल टाइम होना बुनाय जादों। लोगोसेनो गुबुन हादतफोरव जॉनि हादतआ जाय बायदियै आवगायलांनो हागासिनो बेनि थाखाय गाहाइ मन्थि मदिखौनो गाहाइ जाहोन होना फोरमायथिनाय जादों। बे भिडिअ केम्पेना जागायनायनि माखासे घन्टा उनावनो बेखौ लाख लाख सुबुंफोरा नायदों।

### एएपि दैदेनगिरि सन्जय सिंआ केजरिवालनि हेंथायै खैसार सागासिनो दड' होना बुंदों



गोदान दिल्ली, 19 एप्रिल: आम आदमी पार्टीनि दैदेनगिरि सन्जय सिंआ प्रेस कन्फ्रेन्सयाव एलजि, इडि आरो तिहाड जेलनि बिबानगिरिफोरनि सायाव गोब्राबै दाय जाबसिन्दों। सन्जय सिंआ बुडेदि, केजरिवालनि हेंथायै खैसार सागासिनो दड। बेनि हेंथायै नंखाय खौरां गोसारहोगासिनो दड। सुगारनि बेमार थासेयावबो बिनो इन्सुलिसखौ थि समाव होयाखै। बिनाव जायखि-जाया जाथाइ जानो हागौ। बिनि सायाव सासे उतरखारि बायदि आखु दिन्थिगासिनो दड'। सन्जय सिंआ बेनि अजदखौ बिसायख 'थि आयग आरो हादतगिरिनियाव दिखंगोन होना बुंदों। आम आदमी पार्टीनि प्रेस कन्फ्रेन्सयाव सन्जय सिंआ बुंदों, केजरिवालनि सायाव एलजिनि बिबानगिरि, अडिनि बिबानगिरि आरो जेल खुंथाइनि बिबानगिरिफोर नंखाय खौरां गोसारहोगासिनो दड'। मा बिसोर केजरिवालनो बिष होनो खैसार सायाखैथ'। अरबिन्द केजरिवालआ 30 बोसोरनिफ्रायनो सुगारनि बेरामि। बियो इन्सुलिन लायो। जायखि-जाया सुगारनि बेमारफोर थि समाव इन्सुलिन मोनाब्ला थैनोबो हागौ होना सन्जय सिंआ बुंदों।

## इराननि इस्फहान उरां गाथोन स्वाथियाव बेरफ्रुनायनि सोदोब खोनानो मोन्दों



जेरुजालेम, 19 एप्रिल : इस्फहान उरां गाथोननि साखाथियाव बमा बेरफ्रुनायनि सोदोब खोनानायनि उनाव इरानआ अखांमा रैखाथि बेटरिखौ गावहरो। इज्राइलआव इरानआ इन आरो मिसाइलजों गाग्लोबनायनि माखासे सान उनाव खोनानो मोनाय बेफोर गोखों सोदोबा इज्राइलनि गोखोंडे गाग्लोबगोन आसाखौ गोखोंसिन खालामदों। इराननि

जायखि जाया बिबानगिरिया बे आसाखौ गनायथियाखै आरो इज्राइल सान्थियाबो बेनि सायाव जेबो बिबुंथि होयाखै। बेनिखायनो रोखा जायाखैदि, इरानआव थारैनो गाग्लोबनाय जादों ना जायाखै। अदेबानि सासे इराननि सरकार बिबानगिरि आरो उनाव इराननि सरकार टेलिभिजन फोसावग्रा आइआरएनएआ इसारा

होदोंदि, माखासे जायगाफोरव इनजों गाग्लोबनाय जादों। आइआरएनएआ बुंदोंदि, माखासे राइज्योफोरव रैखाथि आफादफोरखौ सांग्रां खालामनाय जादों। नाथाय बेटरिखौ मानि थाखाय गावहरदों बेखौ मिबथिहोयाखै। खाथि-खालानि सुबुंफोरा बेनि सोदोब खोनानो मोन्दों होना बुंदों। आइआरएनएनि

## बिसायख'थि बोसोराव फिस्केल डिसिप्लिन खालामनायनि थाखाय आइएमएफआ भारतखौ बारख्नायदों

गोदान दिल्ली, 19 एप्रिल: हारिमायारि मुद्रा कष ( आइएमएफ ) आ बिसायख 'थि बोसोराव फिस्केल डिसिप्लिन खालामना लाखिनानयनि थाखाय भारतखौ बारख्नायनानै बुडेदि, भारतआरि रैखाथि बेबस्थाया गाहामै दिन्थिगासिनो दड'। आइएमएफआव एभिया आरो प्रशान्त बिफाननि बिथोनगिरि कृष्णा श्रीनिवासनआ खौरां एजेन्सि पिटिआइनो होनाय इन्टारिभडयाव बुडेदि, बे समाव भारतनि रांखान्थि



बेबस्थाया गाहामै दिन्थिगासिनो दड। 6.8 जौखोन्दो बांनया जोबोद मोजां। बेरफारसै बेसेन

बांनया खम जालांगासिनो दड। आथिखालाव जों मुद्रास्फीतिखौ थि थांखिसिम

लांनयाखौ रोखा खालामनांगोन। बिथाड बुडे, फिस्केल डिसिप्लिन

खालामना लाखिनया जर'खायै बिसायख'थि बोसोराव आनि थाखाय मख'जाथाव बाश्चा। मानोना हादतआ बिसायख'थि बोसोराव फिस्केल डिसिप्लिन हाबाफारिया जागायो। बिथाड बुं'बावदों, मोगथाडाव बे रांखान्थि बोसोर 2024-25 याव जों गावयारि आरो राइज्योआरि इन्भेस्मेन्ट खालामग्राफोरनि दैदेनयाव 6.8 जौखोन्दोनि बांनयाखौ हमदांगासिनो दड'। मुद्रास्फीतिआ लासै-लासै खम जालांगासिनो दड। आथिखालाव बेयो 5 जौखोन्दोनि गाहायाव।

### हेलिकप्टर जाब्रबथायाव केन्यानि रैखाथि हान्जानि गाहाइजों लोगोसे सा 9 सुबुंफोरनि जिउ खहा

नेरबि, 19 एप्रिल: केन्यानि रैखाथि हान्जानि गाहाइ फ्रान्सिस अमन्डी अगलाआ थानाय बृहस्पतिवारखालि हेलिकप्टर जाब्रबथायाव जिउ गोमायो। बिथांजों लोगोसे हेलिकप्टरव गाखोनाय सा 9 सुबुंफोरनि जिउयाबो गोमायो। केन्यानि हादतगिरि विलियम रुटआ बे जाथाइनि सोमोन्दै खौरां होयो। हादतगिरि विलियम रुटआ बुंडेदि, केन्यानि रैखाथि गाहाइ आरो सा 9 गुबुन गोजौ थाखोनि बिबानगिरिफोरा थानाय बृहस्पतिवारखालि हादतनि मोनसे जानगार ओन्सोलाव मोनसे सान्थि यारि हेलिकप्टर जाब्रबथायाव जिउ गोमायो। बे जाथाइनि सोमोन्दै रुतआ मोनसे मोगा-मोगियाव बुडेदि, दिने सानजौफुनि 2:20 रिगायाव जॉनि हादतआ मोनसे दुखु नांथाव उरां जाहाज जाब्रबथायजों मोगा-मोगि जानांदों। बिथाड केन्या



सिडिफनि गाहाइ जेनेरेल फ्रान्सिस अमन्डी अगला थैनायाव जोबोद दुखु मोन्दों। हादतगिरिआ बे जाथाइनि खौरां मोनायनि उनाव माहारियारि रैखाथि परिषदनि इमार्जेन्सि जथुमा लिंदोंमोन। बे समाव बिथाड बुडे, सान्थि गाहाइजों लोगोसे उरां जाहाजआव गाखोनाय गुबुन सा 9 बिर जोहोलावफोरबो जिउ गोमाबाय आरो सानैआ रैखा मोनबाय। सुलुबुव फोस्मायनाय बायदिब्ला, 61 बोसोर बैसोनि अगलाआ सासे ट्रेनि होरा दावहार पायलटमोन। बियो बे

मासियाव 1 बोसोरनि थाखायल' दड'मोन। नाथाय थाबैनो बेनि सान्थियारि सिबिथाइआ 40 बोसोर आबुं जासिगौमोन। रुतआ बुंदों केन्या अखांमा सान्थि आ जाब्रबथायनि जाहोनखौ नाइबिजिरनो थाखाय मोनसे नाइबिजिरग्रा दोलो दैथाइ हरदोंमोन, जाय राजथावनि नेरबिनिफ्राय गासै 400 किल' मिटर (250 माइल) सा-सोनाव एलेय माराक्वेट काउन्टीआव जादोंमोन। अगलानि हेलिकप्टरआ चेसेगान गामिनिफ्राय बिरनायनि उनाव जाब्रबथाय जायो।



होदों। नासानि गाहाइआ अखांमायाव चीननि सान्थिफोर थानायखौ फोरमायनानै आमेरिकाआ बाग्दावखाडो। आमेरिकाआ सिगांनिफ्रायनो चीनआ स्पेस मिलिट्रीनि फारसै गिदर खामानि मावगासिनो दड' होना सन्देह खालामदोंमोन। आथिखालाव नासानि फोरमायनाया आमेरिकानि बे सन्देहखौ रोखा खालामना होबाय। चीनआ

आमेरिकाजों लोगोसे मुलुगनि गुबुन हादतफोरजों दावहा एबा प्रक्सी वार नांनो थाखाय अखांमायाव दड'। बेयो गासै मुलुगनि थाखाय जिगा सिनायनि आयदा जाना फैदों। नासा गाहाइ बिल नेल्सनआ आमेरिकानि एमपिफोरनो फोरमायदोंदि, चीनआ गावसोरनि नोगोरारि अखांमा सान्थियारि हाबाफारिफोरखौ दोनखोमानो थाखाय बाहायगासिनो दड'।

## भाइस एडमिरेल दिनेश त्रिपाठिखौ गोदान नेभि चिफ थिसनबाय

गोदान दिल्ली, 19 एप्रिल: भाइस एडमिरेल दिनेश त्रिपाठिखौ आथिखालाव नेभि गाहाइ महैर थिसनबाय। दिनेश त्रिपाठिआ फैगौ 30 एप्रिलआव गावनि गोदान बिबान सामलायगोन। बे सानाव थाखानाय नेभि चिफ आर हरि कुमारआ आजिरा लागोन। भाइस एडमिरेल त्रिपाठिआ आथिखालाव नेभिनि लेडाइ

गाहाइ। अदेबानि गावनि 40 बोसोर गोलाव समनि केरियारिआव त्रिपाठिआ माखासे मख'जाथाव बिबानफोर सामलायखांबाय। 1964 माइथायाव 15 मेयाव जोनोम मोनाय भाइस एडमिरेल दिनेश त्रिपाठिआ 1985 माइथायनि 1 जुलाइयाव नेभियाव हाबदोंमोन एबा जइन लादोंमोन। भ रिभानि नेभि



स्कुल आरो खडगवासलानि माहारियारि रैखाथि एकाडेमि (राष्ट्रीय रक्षा अकाडेमि) नि आगुनि फरायसा। दिनेश

त्रिपाठिआ खौरां फोनांजाव आरो एलेक्ट्रिक दावहानि जर'खागिरि आरो बिथाड सिगनेल कम्युनिकेशन अफिसार

एन्ड इलेक्ट्रिक वारफेयार अफिसार महैर नेभिनि दावहार जाहाज गाथोनफोरव खामानि मावयो। भाइस एडमिरेलखौ

मख'जाथाव आरो बाखायजाथाव हाबानि जर'खा सिबिथाइ मेडेल आरो नेभि मेडेलजों मान बावखांबाय। भाइस एडमिरेलआ आइएनएस विनाश, किर्च आरो त्रिशुलनि कामानो सामलायदों। बिथाड वेस्टर्न नेभल कामान्दयाव फ्लेग अफिसार कर्माडिंडेन चिफनि बिबान सामलायदोंमोन। बिथाड बे गोदान बिबानखौ ओरैबायदि समाव मोन्दों, जेब्ला चीनआवो भारतनि लैथोमा ओन्सोललाव गावसोरनि हान्था मेलाफोरखौ बांहोगासिनो दड'। फारसैथिं, पाकिस्ताननि सान्थिआ चीनजों गोरोबलायनायावो भारतनि थाखाय जिगा सिथावनानि आयदा जानानै फैदों।

### मुकेश आम्बानीआ बे समाव मुलुगनि 11 थि आरो भारतनि धोनिसिन सुबुं

गोदान दिल्ली, 19 एप्रिल: भारतनि मुंदांखा फालांगिरि मुकेश आम्बानीआ दिने 67 बोसोर जाबाय। बिनि जोनोमा यमनि अदन सहराव जादोंमोन। बिफा धीरुभाइ आम्बानीआ भारतआव फेनायजों लोगोसे बिथाडबो यमनिफ्राय भारतयाव फैदोंमोन। बेनि उनाव रिलायन्सखौ फसनायाव गाहाइ बिफाव लायो। थानाय 2022 याव बिफा धीरुभाइ आम्बानी थैनायनि उनाव मुकेश आम्बानीआ रिलायन्सनि बिबानखौ सामलायदोंमोन। बे समनिफ्रायनो दासिमबो मुकेश आम्बानीआ माब्लाव उन्थिजाय नायफेराखै। दिनेनि समाव गासै 20 लाख कौटिनि मार्केट केपजों लोगोसे रिलायन्सबाजार बेसेनाव



हादतनि बयनिखुइ देरसिन कम्पानि। सुलुनि बायदिब्ला, जेब्ला मुकेश आम्बानीआ रिलायन्सनि बिबान सामलायदोंमोन बै समाव रिलायन्सनि मार्केट केपआ 75,000 कौटि रॉनिमोन। रिलायन्सनि फालांगियै दिनेनि समाव पेट्रोलियमजों लोगोसे रिटेल, टेलिकम आरो ग्रिन

एनाजि एबा माखासे गुबुन सेक्टरफोरव गोसारनानै दड'। मुकेश आम्बानीआ बे समाव मुलुगनि 11 थि आरो भारतनि धोनिसिन सुबुं। ब्लुमबर्ग बिलेनियर इन्डेक्सनि बायदिब्ला, बिनियाव 113 आरब डलारनि सम्पति दड'। 2024 याव बिनि सम्पतियाव 16 आरब डलार बाडो।

सम्पतियाव बांनयायनि गिदर जाहोना रिलायन्सनि शेयाराव बांनया। बे बोसोरनि जागायनायनिफ्राय लानानै दासिमनि रिलायन्सनि शेयारआ इन्भेस्मेन्ट खालामग्राफोरनो 12.26 जौखोन्दो रिटर्न होदों। मुकेश आम्बानीआ रिलायन्सनि फालांगिखौ गोखैयै फुवारनायजों लागोसे बेखौ गावनि फिसाफोरनोबो जाफुसारे रानानै होगासिनो दड'। मुकेश आम्बानीनि फिसाजो इशा आम्बानीआ रिलायन्स रिटेलनि फालांगि सामलायगासिनो दड। बेर फारसै देरसिन फिसाज्जला आकाश आम्बानीनो जिय टैलिकम आरो दुर्दिसन फिसाज्जला अन्नत आम्बानीनो रिलायन्स युपनि ग्रीन एनाजि बिजनेसखौ होदों, जेराव कम्पानिआ गोजौ थाखोआव इन्भेस्मेन्ट खालामगासिनो दड'।



## मुलुगनि दाबसे जायगा जायनिफ्राय अख्रामाया जोबोर खाथिसिन आरो बुहुमनि हा बाहागोआ जानसिन जायो

नोंथाडबो माल्लाबा सानो जानांगौदि, संसारनि मुखब जिउ खुंनयनिफ्राय जानगायाव ओरैबोयदि जायगायाव थानानै थाहेनो जेराव गोजोन मोनो। जेराव गोजान-गोजानसिम रावबो नोंखौ मिबथिये आरो जेरैबो शान्ति-गोजोननि अनगा जेबो थाया। नाथाय जेरावखि थाड मानो सुबुंफोरनि गामिआ थाखायो। दिनै जों दरसे ओरैबायदि जायगानि बागै मिबथिहोगोन, जेराव थारैनो रावबो थाया एबा बेसिम रावबो सौहेया। बुहुमनिफ्राय अख्रामिसिम बेसेबां गोजान आरो बैयाव थानो बेसेबां सम नाडो बेखौ जों बयबो मिबथिगौ। नाथाय बुहुमाव मोनसे जायगा दड, जायनिफ्राय बुहुम आरो अख्रामानि जान्थाइआ जोबोर खम। बे जायगानिफ्राय बुहुमसिम फैनायाव जोबोर गोब्राब जायो आरो अख्रामायाव थानाया गोरलैसिन जायो। जों जाय जायगानि बागै मख'दों बेयो जाबाय, प्वाइन्ट निम'। बेनिफ्राय इन्टरनेसनेल स्पेस स्टेसन आरो बैयाव थागा अख्रामा दावबायरिफोरनि जान्थाइया 250



माइल गोजानाव जायो। बेनि बयनिखुइबो खाथिसिनाव थानाय बुहुमनि जाय गोजोन जायगा बेयो जादों, ड्युसि मुनि फिसा द्वीप। बे द्वीपआ बुहुमनि हा बाहागोनिफ्राय 1600 माइलनिबो बांसिन जान्थाइयाव दड', नाथाय अख्रामाया बेनिफ्राय 250 माइल गोजानावल' दड। प्वाइन्ट निम'निफ्राय बुहुमनि साखाथिसिन बाहागोआव सफैनायनि सिगां बेनि गोजौथिं

एबा अख्रामायाव थाडोब्ला थाबसिन सौहेयो। बेयाव ओरैबायदि खिं-स्र जायोदि अन्थाइ बायसानायनि सोदोबआबो संखिखांहोयो। ड्युसि द्वीपआ बेनिफ्राय 1,600 माइलनिफ्रायबो बांसिन गोजान जायो। लैडबाइबलनि रिपर्टनि बायदिब्ला, बे जायगायाव 1971 निफ्राय लानानै 2016 नि गेजेखव बे जायगायाव 260 निबो बांसिन अख्रामा यानखौ फबखंबाय बेखौ अख्रामा यानफोरनि गोथैसालिबो

बुंनय जायो। बे जायगानि मुंखौ केप्टेन निम'नि मुडै दोन्नाय जादोंमोन। बेखौ सासे सार्भ इन्जिनियर हरभजे लुकटेलाया संदान्ना दिहुन्दोंमोन। प्रशान्त लैथोमायाव थानाय बे खिं-स्र जायगाखौ बुहुमनि बयनिखुइबो गोजानसिनाव थानाय जायगा रिमट एरिया होन्ना गनायनाय जायो। जायखि जाया अख्रामा यान एबा स्टेशनआव माबाफोर गात्रि जायोब्ला बेखौ बैयावनो लानानै फबहैनय जायो।

## आंनि सिमां

सान्दोंमोन आं सासे हारिनि गेजेरावनो थरसे अलंबार हारिनि दावहार। आंनि सिमांआ गोजावदों अखोरां बिखा गोजौयाव माथि मिथिया आय! सासे दैथायगिरि। सानसे बेलासे थिनाने दोन्नाय आंनि सिमां! हनै फिथिखानि फाखनाव सोनाब फासैआव। माथो दावबायलांबायसो बारहुंखानि बारनायाव सान्दुनि दुंनयाव थावरिनो हायैनि आंनि सिमांया थैलांबायसो।

श्री उत्तम कुंगुर नाजरी  
गुरुदेव कालिसरन एकादेमी द'तमा  
गामि- बेलगुरि  
ला:सो:- आप्लागाव।

## दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खान्थिखौ। गैया नामा नोंसिनि गोसोयाव बर' हारिखौ जौगाखां होनायनि मिजिक बिबादिब्ला जों बर' राइजोखौ-मात्रै मोननो; फै जों बर' हारिया बयबो खौसे जानि बर' हारिखौ जौगाखां होनायनि मिजिक बिबदिब्ला जों बर' राइजोखौ-मात्रै मोननो; फै जों बर' हारिया बयबो खौसे जानि बर' हारिखौ जौगाखां होनाइया-जोंनि आखाइयावनो दं। दाजासे नोंसोर रावबो एना एनि मालाइ हारिनि आधि सिडव-थाबाय थानायनि सम गैला फैदो फै बयबो ज,ज; सुरदिनि जों आगान गोजों लामाजों।

गोसोखां बसुमतारी  
रामफलबिल गोजौ फराइसालि  
गामि- मैनागुरी।  
जिला- कक्राझार, बि टि सि, आसाम।

## गोर्बोनि हांमा

आं थिना दोन्नाय गोजा सिन्दुरआ जेब्ला सोमखे हाद्रि बालाजों गेलेफायो अब्ला सोर? अबनि अन्नायखौ आं बहा गैया आंहा लोगोआव सासे अनजालि जानांबाय आं संसारा मासे बिमा गोमाजानाय दावसा मावरिया। दंमोन आंहा अनजालि थानाय समाव थाखा फैसा रोगां रोगां। नाथाय जाबाय आं दा लामानि सैमा थायोमोन आं रायज्जायोमोन आं अनजालिजों खुसि खुसि। सोर इश्वोरनि अन्नायाव आं जोनोम लाफलांखो? नाथाय दा आं मानो जानांखो आलाय-सिलाय।

तिकेन्द्रजित देवरि  
गामि: धावल्लिगुरि( मैनागुरि )

## हास्थायबाय नोंखौ

गोजां मोनोब्ला सासेखौनो मोन स'ना गोसो गोर्बो गोथार बिखाजों जेब्लाबो, गोर्बो गोसो बावसोम जोबखाबाय आं नोंनो। नोंखौ गोर्बो बिखाजों अन्नाय होबाय आं ददरे मैना, गनायोना गनाया नों रजे? गनायोब्ला दिखानानै लांगोन आं नोंखौ रैसुमै, गोजोन गोथार जुलिनि थाखाय। नोंनि महारावनो जानांबाय गोसो गोर्बो जिउ आंनि बोदोरजों उसिफाव उसाव-बादाव, थानो हाया गोजोनै दसे सम अराइ। नोंनि थाखायनो गामिबो हगार जोब्याय आं। रिसोम बायदि गोसोम मिहि खानाय नोंनि समायना बेरस्रां-बेरस्रां मेगन नोंनि कमला बायदि जागा-जागा फावदुर, जारौ-रौ दुफावलु फारनै खावलाइ नोंनि, रिजि, रिजि हाथाय मिनिस्लु मिनिखेरो। बुहुमाव नायगिरब्लाबो मोनारखैसै नोंखौल'सो मोनबाय आं अरायनि जिउ। गोसो आंनि गोसोआनोथ' फागोला बोदोर, फागुनिनि जावलिना बाराबो खालाम सिनबावबाय आंखौ हरावबो निन गैयै, सानावबो निन गैयै। रैरुब महरा नोंनि जाखांफैयो अराय सम हास्थायबाय आं नोंखौनो अराय सम। बेनो आंनि गोसो गोथारै नोंखौ हास्थायनाय।

रिनदाव बसुमतारी  
देबरगाव एडस एस स्कुल देबरगाव  
गामि:- आमिनफारा, पाटगाव।  
ला:सो:-सिम्बरगाव,  
जिल्ला:-कक्राझार।

## रंजालि गथ'फोरनि सौरा

### मोजां मोनो

मोजां मोनो बिखौ आं हास्थायो आं नाथाय, फोरमायना लानो गियो आं।

माबादि फोरमायनो आं बिनो माबादि बुजायनो आं बिनो आंदि बेसेबां मोजां मोनो बिखौ आंदि बेसेबां हास्थायो बिखौ

जौमोना बुडे आंखौ आजोलि गोसोआबो थिनो आंखौ फोरमायनानै लादोना थाबैनो गोसोनि बाथ्राखौ आंनि बिखायाव माइ सौवो नुयोब्ला बिखौ गिनाय मोनो बिनि गोमजोर आखुखौ।

थायो बियो आंनि गोसो मनदिरआव थायो बिनि मुड आंनि सालाइ बिजौआव थायो बियो अरायबो आंनि सिमां रायजोआव।

निरमालि बर'  
सावकुसि ( लानदांपारा ), बाकसा

### दिमापुरनि मोदै

नोंसोरो मानो आंखौ नायसनदिया बर' फिसाफोर? आं नोंसोरनि बर' राइज्यो दिमापुरसो। दिनै आंनि बिखा गेजेराव नोंसोरनो बर' राइज्यो खुंदोंमोन। नाइ दाबो आंनि दुखु दाहानि दिमापुरनि जारिमिनखौ बर' फिसाफोर। अब्ला नोंसोर नुगोन बे दिमापुर राइज्योफ्रा सोरनि। गबिन्द चन्द्र, तुलाराम सांथ्रि गाहाय सोमदोन कसारी मोनहाथ' आंनि बिखायाव थानानै बर' राइज्योखौ खुंदों। दाबो सम दं बर' फिसाफोर आंखौ गुबुन हारिनिफ्राय उदांनि खालामनाय समा। नडब्ला जानोसै सिखोना जाहारनि बायखोन्दा नेरसोनफ्राबो आरो जिउ जारिमिना गुबुन हारिनि आधि सिडव। नोंसोर आंखौ उदां खालामदो बर' फिसाफोर, आं नोंसोरनि उदां बर' राइज्यो दिमापुरसो।

मुस्रि रन्जय नाजरी  
गामि- करफापारा, बिसमुरी

### दुखुथिया

हांमा सुरहाब सुरहाब दिखार नांहाब नांहाब नों अनजालिनि दुखुया हाबाब अरायबो दुखुनि मोजिल्लब। आगोमा अनजालुखौ नागिरना दांग्रोम बायदोंमोन बेखायनो नागिरना, नाथाय अनजालुया खाथियाव गैया गाबजिबायदोंमोन गोबारे राव होना। संसारनि साथ जारलायाव गोल्बैबाय दुखुनि देंखोया रिजेनबाय, गारलांबाय अनजालुया अराय अनजालिखौ दुखुयाव गब' होना, नागिरना मोना अरायबो हाबाब दुखुथिया हांमा सुरहाब सुरहाब।

मुस्रि बिरदाव नाजरी  
गामि- खारगाव, ला:सो:- खारगाव  
जिला- कक्राझार।

### बुहुम मिथिंगा

बुहुम मिथिंगानि बायदि मैया बिफां-लाइफांफोरदि बारजों बेसेबांवा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रि बिफां-लाइफां फारि फारि न'-बां राइजो जाबायदों आइ-आफा आबै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महारालाइ आय बे संसारालाइ।

राना प्रताब सिंह ब्रह्म  
गामि: बंसिगाव( दतमा )  
जिल्ला: कक्राझार।

### लाइमोन बर'फोर ( दिदयतसु खन्थाइ )

खाम दामना सिफुं सुना रंजालि बैसागुखौ बराय रंजा मुगानि लाइमोन बर'फोर

रैदोम बर', बाकसा

### आलाइ-सिलाइ जिउ

श्री लस्कमन नाजरी

जोनोमगिरि नों बर' बिमा..... फेदरदों फोलावदों फिसाखौ, आसि थुवा रोडेखौ फोरदों, गावनि जोनोमगिरि जायगाखौ उदां खालामनो दिन्थिदों। सुथुरनि हेंथायै गसं थानाइआव गोबां जोहोलाव-जोहोलावजों जिउ बावलांबाय। बर' फिसाफोरा आलाइ-सिलाइ मेगनाव मोदै खुगायाव खदै जानांबाय बर' बिमाआ सुथुरजों जिनाहारि खालाम जाबाय गोबां सुबुं हारि नाइना थाबाय बेसेदि बिखा खामथाव दिखार गोनां बर' हारिनि सायाव इनाइ अनागार गादबनाय नासइनाय सोबख'नाइ सोर आइ होनफेदों जोंखौलाइ आलाइ-सिलाइ दाव अमा बायदि बर' फिसाफोरखौ बुथारनायखौ, दिखार गोनां बिखा खामथाव बर' हारिनि जिउ जारिमिना। बर' फिसाखौ बिमानि आखाइनिफ्राय सेना आलाइ-सिलाइ बुगिलना-जोगिलना बिमानि मेगनावनो बुथारदों..... आसि थुयै-थुयै रिखाब्लाबो बुब्लाबो रावबो सहाइ होयाखै। बर' बिमाया गावनि खालाइ सोलेरखो लाना दुखु-दाहा बुंफबनाय गोर्बोजों आलाइ-सिलाइ जिउ खुंदों.....।

### फामीनि जिउ

अन्नायनि बोदोर हाबिला नोंनि हायना गोनां मुस्रियाव बरायनो नाड नों सैनाय गेवलां फामिनि मोदोमनायजों मुलुगनि दुथां सिखि फाग्ला। मुलुगनि सिखिफोरा समायना महाराव दान्दिसेल' अनसुला गाब गायो गेलेगोन बेसोर नोंनि बिखा गेजेराव उरफले उरफले सोलेर मंगिलजासे बेखेवनानै बिजिरगोन नोंनि सिनि सांन्ध्र। हाया हाया एमब्राबायनानै नोंबो लहायगोन फाग्ला सिखिफोरनि सहायथावै उतखाराव मोदोमनाय मोसानाय रंजानायनि बेखनखौ नों नेवसिनानै दान्दिसेनो थुब सिरिगोन मेगनाव मोदैनि दाहार सोरजिनानै। फामि!! नोंनि जिउआ गोसोम हांगारनि गोदोनायाव दाहानि माला गान्नानै बिरलांबाय बबेबा गाहब खनायाव जेराव सुबुं सोदोमस्त्रीया पुकेराखै मेगनजों नोंनि बै गोथैसालिनि उदां बिखाखौ।

श्री मोकथां बसुमतारी  
गामि- सा-धावल्लिगुरी।

### हायेन

जोंनि हायेन बेसेबां समायना आय हाबाब बेसेबां गोजोन, बेलारोम समाव सोनाबफा सान हाबदों दावमा दावसाफ्राबो रंजा-बाजा बिरलांदों गथ'फ्राबो बेलारोम समाव बिजाब फरायो बिजाब फरायखानायनि उनाव बिबौनि सल बाथा खोनासडे। हर खोमसि जायो आरो गथ'फ्राबो उन्दुयो दावमा-दावसाफ्राबो सिरियै उन्दुयो। आरो बिनि उनाव जारौ मारौ फुंबिलि जाबोयो दावमा-दावसाफ्राबो रंजा-बाजा गोदै गारांजों मेथाय खनो आंनि गोसोआबो रंजानो गोसो जायो आय हाबाब बेसे समायना जोंनि हायेन्नालाइ।

मुस्रि दैथुन नाजरी  
बासवारी गोजौ फरायसालि  
गामि- औवावारी, बिसमुरी।



(□ 1 बिलाइनिफ्राय)

### गिबि खोलोबनि बिसायख थियाव 70.77 जौखोन्दो भट गोर्लैदों

सुबुंखान्थियारि मोन्थायखौ आवग्रिनो थाखाय ऑंखारबोनायखौ नुनो मोन्दों । साफ्रोमबो भटरफोरानो गाव-गावनि होनांगौ भटखौ माजाडै मोजां होनायखौ नुनो मोन्दों । आसामनि मोनबा लकसभा बियाबआव बिसायख थिया दिने आलो-गोजोनै जौबलांबाय । जरहाट, डिब्रुगड, सनितपुर, लक्षिमपुर आरो काजिरङ्ग बियाबआव भट सोनाय हाबाफारिया खुंफुं जालांबाय । दासिमाव खौरां मोन्नाय बायदिल्ला, आसामनि मोनफ्रोमबो बियाबफोरारवोनो भट सोनाय हाबाफारिया आलो-गोजोनै जौबलांबाय । बेलसिनि 5:00 रिगासिम आसामआव 72.77 जौखोन्दो भटरफोरा गाव-गावनि भटखौ होयो । डिब्रुगड लकसभा बियाबआव बेलसिनि 5:00 रिगासिमाव 70.65 जौखोन्दो, जरहाटआव 76.20 जौखोन्दो, काजिरङ्गआव 68.90 जौखोन्दो, लक्षिमपुरआव 68.34 जौखोन्दो आरो सनितपुर बियाबआव 69.84 जौखोन्दो भट गोर्लैदों होन्ना मिबथिनो मोन्नाय जादों । आसामजों लोगोसेनो सा-सान्जा रइज्योनि मोन 7 रइज्योफोराव लकसभानि गिबि खोलोबनि बिसायख थिया आलो-गोजोनै जौबलांबाय । बेलसिनि 5:00 रिगासिमाव अरुणाचलआव 63.27 जौखोन्दो, मणिपुरआव 67.46 जौखोन्दो, मेघालयआव 69.91 जौखोन्दो, मिजरामआव 52.62 जौखोन्दो, नागालेन्डआव 55.75 जौखोन्दो, सिक्किमआव 67.58 जौखोन्दो आरो त्रिपुरायाव 76.10 जौखोन्दो भटरफोरा गावसोरनि भटखौ आलो-गोजोनै होनायनि खौरां मोन्नाये जादों □

### झारगावआव सरनिया कछारि बास गसाइ ...

देकाआ सोंथि दैखानायखौ नुनो मोनो । 18 एप्रिलनिफ्राय साननैनि हाबाफारिजों उदालगुरि जिल्लानि झारगावआव खुंफुंनाय सरनिया कछारि बास गसाइ फोर्बोंखौ बारग' फरायसा दैदेनगिरि देकाआ बेखेवना होनानै सरनिया कछारिफोरनि बिमुंखौ लाना जनजातिनि फोरमानलाइ लानायाव गोबां सोंथि एबा बेरेखा सोमजिबाय थानायनि अजद दैखाडो । गिबि मन्थ्रि ७ हिमन्त बिश्व शर्मा आरो बिटिसिनि गाहाइ प्रमद बर'नि दैदेननायाव सरनिया कछारिफोरनि जेनाफोरा सुस्त्रांजानायनि लामायाव होन्ना मिर्जिथिनायखौ फोरमायो । दुलाराय आसाम सरनिया कछारि फरायसा आफादनि आफादगिरि प्रभिन देकानि मासि सामलायनायाव दैदेननाय बे हाबाफारियाव बाहागो लानानै बिटिसिनि गाहाइ मावफुं सोद्रोमा प्रमद बर'आ मोनफ्रोमबो हारि-माहारि, राव-धोरम बासियालासेनो खौरांसे गोजोनै दावगालांनंगौ होन्ना फोरमायनानै ओन्सोलाव, समाजआव बिदा-फंकाय सामलायनायखौ बालांहोबाय थानांगौ होन्ना गावनि बिबुंधियाव फोरमायबावो । बे हाबाफारियावनो दर-उदालगुरि बियाबनि बिजाथि दिलीप शङ्कियाआबो बाहागो लानानै सरनिया कछारिफोरनि जेनानि सायाव मोनसे नायबिजिसंनयानि गेजेरजों जेनाखौ सुस्त्रांनो नाजानाय जागोन होन्ना फोरमायो । बे हाबाफारियावनो बिटिसिनि बुंधिगिरि कातिराम बर', गुवाहाटी मुलुग सोलॉसालिमानि असमीया बिफाननि आजिर मोन्नाय गाहाइ बिबुंंगोर ७ उपेन राभा हाकासाम, कटन मुलुग सोलॉसालिमानि भाइस सेन्सेलर ७ रमेश चन्द्र देकाजों लोगोसे गुवाहाटी गोजौ बिजिरसालिनि गागि उखिल सबद' राभा, दुलाराय सरनिया कछारि फरायसा आफादनि गाइसनगिबि आफादगिरि रामेश्वर देका, सरनिया कछारि साहित्य सभानि गोबां बिबानगिरि-दैदेनगिरिफोरनो बाहागो लानानै हाबाफारिखौ समायफले होयो । बे हाबाफारियावनो गोसोखालाइसि बेखेवनाय आरो सुहुं सिबिथाइ आयगनि आन्जादआव गोहामै-गाहाम उधिसारलानै सरकारनि गोजौ बिबानगिरिनि मासियाव थानानै मावख' सामलायनो हानाय रजिलिना सरनियाखौबो मान बाउनाय जायो । फुंनि समाव गसाइनि फिर्फिलाखौ खुंफुं आफादनि एबा बिटिसिनि एमसिएलए भबेनद्र बर'आ बेखेवनानै होयो । फसंथाननि फिर्फिलाखौ प्रभिन देका, प्रमिला दास, महेश्वर शङ्किया आरो सनबर बरुवाआ बिश्होयो । बेनि उनावनो गोसोखां खाम्फायाव मान बाउनाय हाबाफारियाव बाहागो लानानै सरनिया कछारि फरायसा आफादनि गाहाइ नेहाथारि द्विपन्थती सरनियाआ सरनिया कछारि माहारिखौ राजखान्थियारि बिथिडव फोजोबस्त्रांनो नाजारा सुथुरखौ सिनायखाबाय होन्ना फोरमायना बेबायदि सुथुरनिफ्राय साखा-फारा जानो बयखौबो खावलायो □

### उदालगुरियाव मुंख्लं फोरदाना दैमारिनि 26 थि थैनाय सान फालिदों

अनसुलि बर' बिमानि गोर्बोंआव जोनोम मोन्नानै बै समाव गुबुन हारिनि गादबनाय नासयनायनिफ्राय बर' हारिखौ उदां खालामनो थाखाय बोखावजायै दरं जिल्ला दुलाराय बर' फरायसा आफादनि आफादगिरि महर् बेबान आजावना हारिनि खामानि मावनाय समावनो सुथुरनि नोजोराव गोर्लैना बर' हारिजों लोगोसे अनसुलि बिसि पुर्निमा दैमारि आरो दिनेनि सानाव लाइमोन साहित्य अकाडेमी बान्था मोन्नो हानाय आंगो फिसाजो थरायना माइनावसि दैमारिखौ नागरना हारिनि थाखाय जिउ खोमानो गोनां जादोंमोन । बिथां गेदेमा मुंख्लं फोरदाना दैमारिनि बे थैनाय सानखोनो उदालगुरि जिल्ला दुलाराय बर' फरायसा आफाद लोगोसे फोरदाना ट्रास्ट जुथायै लोगो नांजा गुबुन बोसोरफोरव फालिबोनाय बायदियेनो दिनेनि सानावबो गावनि आंगो जोनोम गामि सोमलिगुरियाव सानसेनि हाबाफारिजों 26 थि मुंख्लं फोरदाना दैमारिनि मुंख्लं सान फालिनायखौ नुनो मोन्नाय जादों । फुंबिलियाव दुलाराय बर' फरायसा आफादनि गोथार आर'ज मेथाइखौ रोजाब खानायनि उनाव आफादनि गोथार फिर्फिलाखौ ससे बिरहोयो जिल्ला दुलाराय बर' फरायसा आफादनि आफादगिरि कर्नेलियास दैमारिया । बेनि उनाव मुंख्लं खाम्फायाव बिबार बाउनाय बे गोथार हाबाफारिखौ बाउजेनगिरि महर् बाहागो लानानै मावफुंना होलाडे गागि थुनलाइगिरि थामहिन्बा साहित्य अकाडेमी बान्था मोन्नो हानाय नन्देस्वर दैमारि बिथां आरो मुंख्लंनि असे बिसि पुर्निमा दैमारि आरो आंगो फिसाजो थराइना माइनावसि दैमारिआ । बेनि उनाव फारियै जिल्ला दुलाराय बर' फरायसा आफादनि आफादगिरिनिफ्राय लानानै दख'रा आफाद आरो ओन्सोलनि बायदि मेलेम जिबि बिथांमोनहाबो फारियै हाबाफारिखौ जाफुंसार होयो । मख'नो गोनांदि, थानाय गोलाव समनिफ्रायनो मुंख्लं फोरदाना दैमारिनि मुंख्लं सानखौ खुंबोनाय बायदियेनो देगलायबो 26 थि मुंख्लं सानखौ सानसेनि हाबाफारिजों थेलेब लेबयै खुंनाय जाबोदों होन्ना गावनि बिबुंधिआव फोरमायनायजों लोगोसे बोसोरथामनि उनाव बायदि बायदि हाबाफारि लानानै खुंनाय जाबोदों नाथाय थानाय बोसोराव रुफाथि माइथाय हिसाबे अदालगुरि जिल्ला दुलाराय बर' फरायसा आफाद लोगोसे फोरदाना ट्रास्टनि बान्जायनायाव गिदिरियै खुंनाय जादोंमोन बेनिखायनो देगलाय थेलेब लेबयै बेखौ खुंनाय जादों होन्नानै गावनि बिबुंधियाव बुंधिना होदों अदालगुरि जिल्ला दुलाराय बर' फरायसा आफादनि आफादगिरि दैमारिआ । लोगोसे बुंधिना होबावदोंदि थानाय समफोराव मुंख्लं बिथानि गोसोखांथियाव पानेरि ओन्सोलाव फोरदाना दैमारिनि मुंजों Children Park लफुंनो थाखाय बिटिआर सरकारजों गोथोयै सावरायलायनाय जादोंमोन आरो बेलेखायैनो माखासे थावनिफोराव हाफोरखौ थि खालामना दोनखानायबो जादों आरो बेखौ लानानै दासिमाव सरकारजों थाबैनो लुफुंनो थाखाय सावरायनाया सोलिबाय थादों होन्नानैबो दिनेनि हाबाफारिनि गेजेरजों गुवारै बुंफोरना होलाडे □

### मानास आन्सलिक फरायसा आफादनि बैसागु फोर्बों फालिनाया थुंगेबाय

खुंफुंनाय जायो । मोनाबिलिनि सोनाब माहारियारि हारिमुनि बे फोर्बोंखौ मानास माहारियारि पार्कनि बासवारि रेस्नि रेन्जार बरिन बर'आ बेखेवनानै होयो । आसाम रैनियानि मिरु मावफुं सोद्रोमा प्रान्जल देका आरो बारग' फरायसा बलेन दासआ दैदेननाय मानास आन्सलिक फरायसा आफादनि आफादगिरि कंकन तालुक्दार आरो नेहाथारि रहलु चूट्थरआ सामलायनाय बे हाबाफारियाव दुलाराय आसाम फरायसा आफादनि मिरु फसंथानआरि आफादगिरि कंकनज्यती शर्माआ गाहाइ आलासि महर् बाहागो लायो । बे हाबाफारियावनो आदिबासि जौगाखां परिषदनि लोगो गोराय सुभास तिर्कि, बाक्सा जिल्ला फरायसा आफादनि आफादगिरि जुबिन दास आरो नेहाथारि नबजित राजबंसिजों लोगोसे गोबां गुनि गियानि सुबुंफोरानो आलासि महर् बाहागो लानो हानायखौ नुनो मोन्दों । बैसागु थिलियाव बैसागु मोसागिरिफोरा बायदि रोखोमनि मोसानाय दिन्थिफुंनायजों लोगोसेनो हारि-माहारिनि आइजोफोरनि गाव-गावनि हारिमुखौ दिन्थिफुंनायखौ नुनो मोन्दों । गोबां बैसागुनि हान्जाया बाहागो लानो हानाय लानदां बैसागु बादायलायनायाव गुवाहाटी नरेंगुरि मघाइ बिहु दोलोआ सेंथि बान्थाखौ देरहानो हायो आरो पातशाला बजाली बैसागु दोलोआ नैथि मासिखौ आवग्रिनो हायो । बे हाबाफारियाव रोजा-रोजा असमीया मुसलमान, आदिबासि, बर', नेपाल, कचराजबंसि, बाडालि, आहम, राभा बायदि माहारिनि बिहु बादायारिफोरा बाहागो लानानै ओन्सोलाव खौरांसेथिनि मोनसे समाइना-रमाइना नेसेंन दिन्थिनो हानायखौ नुनो मोन्दों □

(□ 1 बिलाइनिफ्राय)

### 1 नं. कक्राझार लकसभा बियाबआव गासै सा 19...

नमिनेसनलाइ गथायदों । बिसोरनि अनगायैबो दिने जौबथा सानाव उदां बिजाथि महर् पंकज इसलारियाबो नमिनेसनलाइ गथायदों । बेबायदिनो 1 नं. कक्राझार लकसभा बियाबआव गासै सा 19 बिजाथिफोरा गाव-गावनि नमिनेसनलाइखौ गथायदों । बिसोर सा 19 बिजाथिफोरनि गेजेराव दड फारियै इडपिपिएल दोलोनिफ्राय जयन्त बसुमतारि, भटार्स पार्ति इन्टारनेसनेल (भिपिआइ) दोलोनिफ्राय ललित पेगु, कंग्रेस दोलोनिफ्राय गर्जन मुसाहारि, तुनमुल कंग्रेस दोलोनिफ्राय गौरि शंकर शरनिना, बिपिएफ दोलोनिफ्राय खाम्फा बरायारि, गन' सुरक्षा पार्तिनिफ्राय नब' कुमार शरनिना, बिनिता डेका, गनश्याम दास आरो उदां बिजाथि महर् फारियै रन्जय कुमार ब्रह्म, पृथ्विराज नारायण देब मेच, ज्यतिस् कुमार दास, अजय नार्जरी, सैलेन्द्रनाथ ब्रह्म, त्रिपतिना राभा, नन्द देब ब्रह्म आरो पंकस इसलारि । मख'नाय जायोदि, कक्राझार लकसभा बियाबआव बिजाथिलाइ गथायनाय बिसोर सा 19 बिजाथिफोरनि नमिनेसनलाइ एबा फोरमान बिलाइफोस्त्रौ गाबोन 20 एप्रिलखालि नायफामगोन आरो बिजाथिफोरनि नमिनेसन बोखाना लाफिन्नायनि जौबथा अक्टआ 22 एप्रिल अक्टयाव जागोन □

### नागालेण्डनि दर 6 जिल्लानि सुबुंफोरा भट होनायनिफ्राय...

खावलायहरदोंमोन । बे आफादआ गोलाव समनिफ्रायनो सोनाब नागालेण्डखौ आलादा रइज्यो महर् फोसावनो दाबि दैखंबोदोंमोन । मिरु सरकार बे दाबिनि फासं मान होयैनि हेंथायै आफादआ भट होनायनिफ्राय जानगायाव थानो 'खावलायहरदोंमोन । थानाय बृहस्पतिबास्खालि भट होनायनिफ्राय जानगायाव थानो आरो दर 6 जिल्लायाव बन्द फोसावदोंमोन इन्पिअ आफादआ । सोनाब नागालेण्ड नाडैनो आफादनि बन्द हांखायनायनि गोहोमखौ नुनो मोन्नाय जादों । सोनाब नागालेण्डनि मोन 7 हारिफोरनि जुथाय जौसां इन्पिअनि खावलायनायनि फासं मान होनां दर 6 जिल्लानि गासैबो भटरफोरा दिने भट होनायनिफ्राय जानगायाव थानानै गोखों सोमावसारो । मख'नो गोनांदि, नागालेण्डआव मोनसेल' लक सभा बियाब दड' □

### कक्राझारआव जौबथा सानखालि सा 6 बिजाथिफोरा ...

गोनांदि, मैया गुवाहाटी गोजौ बिजिस्सालिनि रायदान होनायनि उनाव नब कुमार सरनियाआ जनजाति संरैखाथियारि बियाबनिफ्राय बिसायख थियाव बादायलायनो हानाय नड होन्ना आसाम सरकारनि बिजिगिरि देबजित शङ्कियाआ फोसावखानायनि उनावबो कक्राझार लकसभा (एसटि) बियाबआव दिने बिजाथिलाइ गथायनानै एसटि फोरमानलाइखौ सरकारआसो आंनो होदोंमोन होन्ना फोरमायथियो । लोगोसे बे बिथिडव बिपिएफनि दैदेनगिरि प्रमिला रानि ब्रह्मखौबो सोंखारिनां 2009 माइथायाव सरनिया कछारि फरायसा आफाद, सरनिना कछारि फसंथान, ट्राइबेल संघ, आसाम सरकारआ दास, देका बिमुनि सुबुंफोरो सरनियानि फोरमानलाइ होदोंमोन । बेबायदिनो गोसोखालाइआव बे बाध्राखौ रायखानानै सरनियाफोरखौ बर' कछारिनिनो दालाइसा होन्ना बिथं होनायखौ गथायनो हागोनो रोखायै फोरमायथियो । नब कुमार सरनियाआ जाहाथे बिसायख थि गेलेनो हाया बेनि थाखाय सरकारआ हाखु-दाखुयै बे राहाखौ लादों आरो बेनि थार बिजिरनाय मोन्नो थाखाय गोजौसिनि बिजिस्सालियाव थानगोन होन्ना सरनियाआ फोरमायबावदों । नब कुमार सरनियानि बिबौनि मुड सेरलाबेरला जानो हागौ मानोना बै समाव बिमुं गैयामोन, फोरमानलाइबो गैयामोन । बेनि थाखाय सरकारआ जौंखौ हेंथा खालामनाय मानि सरकारआ गावसोरखौनो हेंथा खालामनाय । फोरमानलाइखौ सरकारआसो लाबोनो होफैनांगौ होन्ना दाबि दैखानानै जिएसपिनिफ्राय बिजाथिलाइ गथायनाय बिनिता देकानि सोमोन्दै फोरमायनानै ब्रिटिसिनि समनि पेहुजा रजानि बंसमोन होन्ना फोरमायो । बिसोहरा 500 बोसोरारि जारिमिन दड होन्ना फोरमायनानै कछारिफोरा बर' माहारिनि जानायनि थाखाय बिसोरनि राव-हारिमुफोरा सेरखाइ-बेरखाइ जादों होन्ना मिबथि होयो । कक्राझार लकसभा बियाबनि थाखाय जिएसपि दोलोनिफ्राय नब कुमार सरनिया, बिनिता देकानि अनगायैबो जिएसपिनि लोगो आफादगिरि एबा बिटिसिनि बारग' मावफुं सोद्रोमा घनस्याम दासआबो बिजाथिलाइ गथायो । मख'नो गोनांदि, बावैसो सान सिगांसो घनस्याम दासआ मावफुं सोद्रोमानिफ्राय बोखलाय जादोंमोन । गुबुन फासंथि दिने जौबथा सानखालि जिएसपिनि सा 3 बिजाथिफोरनि अनगायैबो कमतापु पिपुल्स फ्रंटिनिफ्राय त्रिपिटिना राभा, उदां बिजाथि नन्ददेब ब्रह्म आरो पंकज इसलारिआबो बिजाथिलाइ गथायनायखौ नुनो मोन्दों □

### फैगौ 22 एप्रिलआव खुंगा 54 थि भातकुसि बैसागु ...

बे सानखालि फुंनि 8:30 रिंगायाव बिफां फुलि गायनाय, 10:00 रिंगायाव इन्जुर लाइसि 'रंजालि' बेखेवनाय, बेलसिनि 2:00 रिंगायाव बर' गोदान केसेट मोसानाय बादायलायनाय, मोनाबिलिनि 5:00 रिंगायाव बान्था रानाय हाबाफारि खुंनाय जागोन । बे हाबाफारिखौ आफादगिरि महर् सामलायलांगोन मिरु बर' थुनलाइ आफादनि सोद्रोमा लक्षिधर बर'आ । गाहाइ आलासि महर् बि के डब्लुए ए सिनि मावफुं सोद्रोमा प्रनब बर', हांखायजानाय आलासि महर् कामरुप जिल्ला एबसुनि बोसोनगिरि बल 'राम बर' आरो माखासे सुबुंफोरा माननि आलासि महर् नुजाथि फैगोन आरो मोनाबिलिनि 7:00 रिंगायाव मोनाबिलि हारिमु आयदाया जायजेनगोन । हांखायजानाय देंखोगिरि महर् नुजाथि फेनानै मेथाइ खनगोन फुंबिलि बसुमतारिआ लोगोसे केसेट देंखोगिरि जुरेन बर', जनालि बर' आरो शिमटा बसुमतारि मोनहाबो मेथाइ खनगोन लोगोसेनो जायगानि मोसाखावरिफोराबो मोसागोन । बे सानखालिनि हाबाफारियाव राइजो-राजाफोरखौ लैहोर लैहोर फेनानै नुजाथि फेनो थाखाय भातकुसि रंजालि बिजाब बाग्त्रि आफादनि लेडइ आफादगिरि तरुन बर', गाहाइ नेहाथारि पतनेस्वर बर', लोगो नेहाथारि अनसुम बर', बान्जाय आफादनि आफादगिरि निजाम बर', लेडइ आफादगिरि टेंकस्वर बर', गाहाइ नेहाथारि हेमेन बर' आरो लोपो नेहाथारि गौरब बर' मोनहा खावलायहरदों । रायखानो गोनांदि, थानाय 13 एप्रिलखालि गेलेनाय आरो 14 एप्रिलखालि थुनलाइ बादायलायनाया जानानै थाडे □

(□ 1 बिलाइनिफ्राय)

### बिपिएफ दोलोनि कक्राझार लक सभा बियाबनि बिजाथि खाम्फा बरगयारीआ बिजाथि लाइ ..

दोलोनि आफादगिरि आरो बिटिसिनि बारग' गाहाइ खुंगिरि हाग्रामा महिलारी । मख'नो गोनांदि, दासिमबो सिगांनि बायदिनो हाग्रामा महिलारीआ मुंदांखा जानानै दड' बे बाध्राखौ दिनेनि गेदेरथार हान्जा सुरनायाव बाहागो लानाय गोबां हेफाजाबगिरिफोरा फोरमान होदों । बिबारजों साजायफबनाय जर'खा गरिजों बिजाथि खाम्फा बरगयारीआ दोलोनि दिथागिरि महर् गागि दैदेनगिरि प्रमिला रानी ब्रह्मजों गाखोबोनायनि अनगायैबो हेफाजाबगिरिफोरजों थाबायफानानै हाग्रामा महिलारीआ दोलोनि बिजाथिनि बिजाथि लाइ गथायफेयो । मख'नो गोनांदि, कक्राझार सहराव थानाय जारिमिनारि पारला बाबा मन्दिराव शिव बोरायनि बोरा लानानै खाम्फा बरगयारीआ बिजाथि लाइ गथायनायनि उनाव खौरां बिजौनि सिगाडव कक्राझार लक सभा बियाबाव बिपिएफ दोलोनि देरहानाया रोखा होन्ना दाबि खालामनानै बिथाड गासैबो हारि-माहारिनि सुबुंफोरा बिपिएफ दोलोनो भट होनो थियारि जानानै दड' होन्नानै फोरमायो । लोगोआरि सोमोन्दोआ मोनसे मख'जाथाव बिथि बेनिखायनो इडपिपिएलनि बिजाथिनि जानानै फोसावदिनो फेनो नांगौ, नाथाय बिपिएफआ मोनसेबो दोलोजों लोगोआरि सोमोन्दो लाखियाखौ बेनिखायनो बिपिएफआ गासैखौबो हारिसंनो मावबोदों होन्ना बिथाड मख'नानै कक्राझार आरो दर-उदालगुरिआव बिपिएफ दोलोजों जुजिनो हानाय रावबो रैया होन्नानै बिथाड दाबि खालामो । बिथाड बेसेबां लाख भटजों देरहागोन बेखौ रोखायै बुंनो हायाब्लाबो गोबां भटनि फारागथियाव देरहानाया रोखा होन्नानै बुडे । गुबुन फासंथि, बिपिएफ दोलोनि आफादगिरि हाग्रामा महिलारीआ कक्राझार बियाबाव खाम्फा बरगयारी आरो दर उदालगुरिआव दुर्गा दास बर'आ देरहानाया रोखा होन्नानै बुडे । बिथाड बिपिएफ दोलोनि फासं राइजो-राजाफोरनि अन्सायनाया मिर्जिथिथावना होन्नानै फोरमायो । नब' कुमार शरनिनारिनि सोमोन्दै हाग्रामा महिलारीआ बुडेदि, बिथाड बिसायख थि गेलेनो हायो ना हाया बेयो आइनिन बाध्रा । अदेबानि शरनिनाया बिजाथि लाइ गथायब्ला बेयो गनाय जानाय नड होन्नानै मिथिनो मोन्दों होन्ना बुडे । बेनिखायनो बिथानि हान्जानि जेसेबां भटरफोर दड'मोन गासैबो बिपिएफनि फासं दावबोगोन होन्नानै बिथाड बुडे । कक्राझार बियाबनिफ्राय खेबने एमपि जानाय नब' कुमार शरनिनाया बे खेबाव बिसायख थि गेलेनो हायैयाव खुंथाय गोहोयाव थानाय दोलोजों बिपिएफनि गेजेराव गोखों जुजिलायनाय जानाया रोखा होन्नानैबो बिथाड बुडे । मख'नो गोनांदि, दिने खाम्फा बरगयारीआ बिजाथि लाइ गथायनायनि उनावनो गाबोननिफ्राय दर-उदालगुरि बियाबाव सान 4 सिम गोखों फोसावदिनाय हाबाफारि लागोन हाग्रामा महिलारीआ । बेनि उनाव आद्रा थानाय सानफोराव कक्राझार लक सभा बियाबाव गोखों फोसावदिगोन होन्नानै महिलारीआ फोरमायो । गुबुन फासंथि, मैया ग्रिन फिल्डआव एनडिएनि मेलाव इडपिपिएलनि बिजाथि जयन्त बसुमतारिनि बिजाथि लाइ गथायनायनि समाव इडपिपिएलआ 500 राडै हाजिरा होनांनै गावसोरनि मेलाव मानसि लाबोदों होन्ना मेलाव फेनाय राइजो-राजाफोरा फोरमायदों होन्नानै हाग्रामा महिलारीआ खौरां बिजौनि सिगाडव फोरमायनानै बिसोर राइजो-राजाफोरा बिपिएफ दोलोनोसो भटखौ होगोन होन्नानै फोरमायो । थामथि खोलोबनि बिसायख थिनि बिजाथि लाइ गथायनायनि दिनेनि जौबथा सानाव बिपिएफनि बिजाथि खाम्फा बरगयारीआ गोबां हेफाजाबगिरिफोरजों हान्जा सुरनानै कक्राझार जिल्लानि रिटानि बिबानगिरिनि आखायाव बिजाथि लाइखौ गथायनानै होयो । बिजाथि लाइ गथायनाय हाबाफारियाव बिपिएफनि आफादगिरि हाग्रामा महिलारी, एमएलए रबिराम नार्जरी, बिपिएफनि गागि दैदेनगिरि आरो एमसिएलए देरहासात बसुमतारि, बारग' मन्थ्रि प्रमिला रानी ब्रह्म, बर' उमेन जास्टिस फरामनि दैदेनगिरि अन्जलि देमारी आरो बिपिएफ दोलोनि गोबां दैदेनगिरि-हेफाजाबगिरिफोरा बाहागो लायो □

### कंग्रेसनि बिजाथिफोरा देरहाब्लाबो बिजेपिआवसो...

लाइमोनफोरनो 10 नम्बर बांसिन बारायनानै होनाय जागोन होन्ना गिबि मन्थ्रिआ फोरमायदों । हादतआव कंग्रेसनि सरकार सोलिनाय समाव धोरमखौ लानानै दावराव-दावसि सोमजिदोंमोन, सोमावसारदोंमोन, सिलाइनि गुलिजों उन्दुनो हायैबायदि थासारि सोमजिदोंमोन । नाथाय आथिखालाव नरेन्द्र मदिनि दैदेननायाव जेरावबो हिन्दु-मुसलमाननि गेजेराव दावराव-दावसिम सोमजियाखै गेदेर-गेदेर सोमावसारनायाबो जौबस्त्रांलांबाय आथिखालाव आसामाया सिलाइनि सोदोब खोनोनो मोनलिया, दाव खौओनि गोर्दे देखोजों बैसागु बोथोरआव जौबोद समाइफलेदों होन्ना बेफोर गासैखौबो नरेन्द्र मदिनि थाखायजों जादों होन्ना गिबि मन्थ्रिआ दाबि खालामो । हादतआव आथिखालाव रावखौबो गुड्या, दकाति खालामनाय नुनो मोनाखै । लाइमोनफोरबो आथिखालाव गाव-गावनि इयुनखौ सानहरनानै सरकारनि फिसा-फिसा खारखाना खालामनायनि थाखाय होनाय खाबुखौ लाना गाव हारिसिडैनो गसंथानो नाजानायाव मुखुब जानायखौ नुनो मोन्दों । बिजेपि सरकारनि खाबु होनायाव हादतनि लाइमोनफोरा गोदान-गोदान सानखांथिजों खामानि मावनानै दावगानो थाखाय खाबु लानो हादों । आसामनिफ्राय दालाल थाखोनि सुबुंखौ फासंथिजायनिफ्रायनो फोजोबनानै होनो हाबाय । गिबि मन्थ्रिआ फोरमायबावनाय बायदिल्ला, रेशन कार्ड थानाय मोनफ्रोमबो नख'रनि गाहाइनि मुडव इन्युस्स खालामनाय जागोन होन्ना फोरमायो । नरेन्द्र मदिआ गाहाइ मन्थ्रि जाखानायनि उनावनो हादतआव 3 कौटि गोदान न'फोरखौ गोरिब थाखोनि सुबुंफोरनो लुनानै होनो आखायाव लादों होन्ना गिबि मन्थ्रिआ फोरमायनानै बे खेबआव जिअटेकनि खामानिखौ आइजोफोरनि गावसुथा हान्जाफोसो खालामसिगोन होन्ना फोरमायथियो । गोजौ सोलॉथाइ लानाय बिथिडव फरायसा-फरायसुलिफोरनि मुं थिसननायाव बेसेन लाया जासेनो बिजाब बावनायनि खरसाखौबो सरकारआनो होगोन होन्ना फोरमायो । हिन्जावसाफोरा मुं थिसननायनि उनावनो सरकारआ बिसोरनि मुडव 10 रोजा रं जमा खालामनानै होगोन होन्ना गासैबो फरायनाय-लिस्नायनि बिबानखौनो मामाआनो लाजोबगोन होन्ना गावनि बिबुंधियाव फोरमायनायखौ नुनो मोन्दों □

### लुरिनज्यती गगैनि हेफाजाबगिरिनि न खौ ....

खालामनायनि गोखों अजद दैखदों । आसाम जातिय परिषदनि दैदेनगिरि जगदिश भुजाआ मिबथिहोनाय बायदिल्ला, नाहस्कटिया बियाबआव आसाम जातिय परिषदनि साब्रै सोद्रोमाफोरनि न'आव सिनाय मोनै दुथांफोरा अर लगायनानै होदों । तिंखां थानानि बेंखनाव थानाय न'-सावदां गामिनि आदित्य गगैनि न'नि खामसालि पवन बरानि साहा बागाननि बिलाइ दोनग्रा न'जों लोगोसेनो मोनसे गामिनिनो प्रबिन गगै आरो यादब बरानि न'आव दुथांफोरा अर सावनानै होदों । बे गाल्लोबनायखौ लानानै ओन्सोलनि रैखाथिनि बिथिडव गोखों सोंथि सिखादों । राइज्योनि राजखान्थिनि मख'जाथाव दैदेनगिरि लुरिनज्यती गगैनि डिब्रुगड बियाबआव बारग' गिबि मन्थ्रि एबा आथिखालनि मिरु मन्थ्रि सरबानन्द सनवालनि बेरेखायै गोखोडै बादायलायदों । थानाय माखासे सपताहआव सानैबो बिजाथिनि गेजेराव बादायलायनाया गोखौनिफ्राय गोखौसिन जानाया डिब्रुगड बियाबखौ मोननैबो दोलोआनो देरहासादगोन होन्ना दाबि दैखानानै लानायखौ नुनो मोन्दों । अर सावनाय जाथायजों लोब्बा थानाय दायनिगिरिफोरखौ थाबैनो हमनानै साजा होनांगो होन्ना आसाम जातिय परिषदनिफ्राय गोखोडै दाबि दैखानायखौ नुनो मोन्दों □

### इडपिपिएलआ 500 राडै हाजिरा होनानैसो ...

सुरलानानै बिजाथिलाइ गथायनाय हाबाफारियाव बिजाथि बरगयारीआ दर-उदालगुरि आरो कक्राझार बियाबआव बिपिएफ दोलोजों बेरेखा जानानै बादायलायनो हानाय गोहो गोनां दोलो गैया होन्ना गावनि बिबुंधियाव फोरमायदों । बिजाथिलाइ गथायखानायनि उनाव खौरांगिरिफोरनि सिगाडव बरगयारीआ गावनि देरहासारनायखौ 100 जौखोन्दो रोखा होन्ना दाबि दैखानानै दर-उदालगुरिआवबो दुर्गा दास बर'आ देरहागोनआ रोखा होन्ना दाबि दैखाडो । मोनफ्रोमबो हारि-माहारि आरो धोरोमारि सुबुंफोरनो बिपिएफनो भट होनो साखा-फारा जाखाबाय होन्ना बरगयारीआ फोरमायबावदों । बिजाथिलाइ गथायनाय हाबाफारियाव बाहागो लानानै बिपिएफनि गाहाइ हाग्रामा महिलारीआ मोननैबो बियाबआवनो बिपिएफनि देरहासारनाया रोखा होन्ना दाबि दैखाडो । इडपिपिएलनि बिजाथि जयन्त बसुमतारिनि बिजाथिलाइ गथायनाय समाव इडपिपिएलआ 500 राडै हाजिरा होनानैसो सुबुं गौमायाव सुबुं लाबोदोंमोन होन्ना अजद दैखानानै महिलारीआ इडपिपिएलखौ गोखों रावजों सोंखारिनायखौ नुनो मोन्दों □

### 26 थि रंजालि बैसागु फोर्बोंआ खुंफुंजाबाय

नायदिगिरि नबिन चन्द्र बर'नि अनगायैबो गुबुन गुबुन दोलो-आफादनि बिबानगिरिफोरजों लोगोसे आर्टिस्ट समाजनि सुबुंफोरनि नुजाथिनाय गेवलां मेलखौ दैदेनो कलाइगव एबसुनि आफादगिरि फिज बसुमतारिआ । आरओ आफादनि आफादगिरि बाबुल बर'नि आफादगिरि मासि सामब्लायायनाय खुंनाय गेवलां मेलाव हारिमुवारि मोसानाय-मेथाइ खनानै दिन्थिफुंनाया राइजो-राजाफोरनि गोसोखौ मुहि होनो होयो □



## रणभिर सिंहआ 'जवान' नि दिथागिरि एटलीनि मोसानायखौ नायनानै रंजानायखौ लादों

एस शंकरनि फिसाजो एश्वर्यानि जुलिन गोबां भिडिअ' आरो सावगारिफोरा सशेल मिडियाआव भाइरेल जागासिनो दं। एश्वर्या शंकर-तरुण कार्तिकेयनि जुलिनफ्राय एटली कुमार आरो रणभिर सिंहनि मोसानाय भिडिअ'आ नुजाथिदों, जायखौ सुबुंफोरा जोबोद मोजां मोनो। रणभिर सिंह आरो 'जवान' नि दिथागिरि एटली कुमारनि मोनसे भिडिअ'आ सशेल मिडियाआव भाइरेल जागासिनो दं। बलिउडनि फावखुंगुर रणभिरआ माखासे फावखुंगुरफोरनि गेजेराव सासे, जाय जेब्लाबो मोसानो थाखाय सावथुन एबा जायखिजाया नंगुबै जिडनि हाबाफारियानो थियारि जायो।



बे समावनो रणभिरआ दिथागिरि एस शंकरनि फिसाजो एश्वर्यानि हाबायाव एटलीजों लोगोसे नांज्लायदोंमोन। मुंदांखा दिथागिरि एस शंकरनि फिसाजोनि हाबायाव रणभिर सिंह आरो एटलीआ डान्स फल'रआव गावसोरनि

मोसानायजों मोनसे स्प्लैश खालामदों आरो गोबां हिट मेथाइफोराव मोसानायजों आलासिफोरनि गोसोखौ जै खालामदों। रणभिर सिंह आरो एटलीआ 'अप्पाडी पडु', 'तत्ताड तत्ताड' आरो 'लुंगी डान्स' आव मोनसे वेंग डान्स

खालामदों। बे समावनो 'जवान' नि दिथागिरि एटली कुमार गसैबो लाइमलाइटखौ लुथिदों। बेनि फोरमानआ बे भाइरेल भिडिअ' जेराव 'सिंधम' नि फावखुंगुर रणभिर सिंहआ एटलीनि मोसानायखौ नायनायखौ बन्द' खालामो

आरो बिथांखौ सोमोनांहोनानै नायनो हमो। रजनीकान्त, कमल हासन, सुरिया, भिक्रम आरो नयनताराया एस शंकरनि फिसाजो एश्वर्यानि हाबायाव बाहागो लादोंमोन। हाबायाव तामिलनाडुनि गिबि मन्थ्र एमके स्टालिनआबो दंमोन। बिथाड शंकरखौ गावनि फिसाजोनि हाबानि थाखाय गाहाम हामलायथि बावहरदों। बावैसो आमिर खाननि उनाव रणभिर सिंहनि मोनसे नंखाय भिडिअ' नुजाथिदों। बेनि अनगायैबो रणभिर सिंह आरो कृति सेननखौ मनीष मल्हत्रानि थाखाय भाराणसीनि नम' घाटआव रेम्प वाक खालामनाय नुनो मोन्दोंमोन। 'रकी और रानी की प्रेम कहानी' नि जाफुंसारनायनि उनाव रणभिर सिंहआ आथिखालाव गावनि फेंगो मावथांखि 'डन 3' नि बागै सावरायगासिनो दं जायखौ फरहान अख्तरआ दिथा होनो थांगासिनो दं। फरहान अख्तरआ 'डन 3: द फाइन्ल चेप्टर' नि टीजारआव रणभिर सिंहखौ गोदान डन महरे सिनायथि होदों। रणभिर सिंहखौ 'सिंधम 3' आवबो नुनो मोनगोन।

## गाहाम देहानि राहा

### गोलोम बोथोराव मोखांनि महरखौ गाहामै लाखिनायनि राहा



गर्म बोथोराव खुंनयाव माखासे सोलाय-सोल' खालामना मोखांनि जोंखोल महरखौ लाखिलांनो हायो। (1) गोबां बिदुं आरो बांसिन सम बाइजोयाव थानायनि जाहोनाव देहायाव दैन बिबाड खम जायो। बेजों खर' सनाय, खर' गिदिनाय आरो मोखांनि जोंखोल महराबो खम जालाडो। सानसेयाव 10 गिलास दै लोंनांगो। साहा आरो कफी लोंदोंब्ला बेनिफ्राय 3 गुन बांसिन दै लोंनांगो। गरम बोथोराव हराव मेकआफ फुन्ना उन्दुनो नाड। महराव मेकआफ फुन्ना उन्दुब्ला मोखाडव सिथर महरा गोमालाडो। जिड

सोमजियो। (2) मोखांनि महरखौ जोथोन लानांगो। मोखांनि महरा रानस्राव जाब्ला आबहावा गुबुले जानायखौ सामलायनो हायै जायो। आबहावा गुबुले जानाय आरो साननि रोदाया मोखांनि महराव गाञ्चि गोहोम गोग्लैयो। बेबादियाव सानस्क्रीनखौबो फुन्नांगो। (3) मोखांनि महर आरो देहाखौ साखोन-सिखोनै लाखिनो थाखाय सौम्य क्लीन्जारखौ बाहाय नांगो। जेल बेस्ट क्लीन्जार आरो शावार जेलआ बयनिखुडो साबसिन। बेखौ मोखांनि महराव बांदाय फुन्ना, मोखांनि महरा गाञ्चि जानो हागो। (4) माखासे सुबिदा आरो ट्रीटमेन्टफोर दं, जाय मोखांनि महरखौ जोंखोलै लाखिनायाव मदत खालामो। पालारयाव थांनो गोसो जादोंब्ला क्लीनआफ फेशियल आरो क्लेरिफाइंग फेशियलआ मुलाम्फा गोनां जायो।

## सलमान खाननि न'आव गुलि गावनाय जाथायाव थानाय गाग्लोबग्राफोरा जर'खा फोरोंथाय लानायमोन

मुम्बाइ क्राइम ब्रान्चजों सलमान खानखौ गावलायनाय जाथायाव सानैबो दायनिगिरिफोरखौ सोनाय फिन्नायनि उनाव गोबां गोदान फोर मायथि फोर। ओंखार बोगासिनो दं। आथिखालाव सलमान खाननि गावलायनाय के सनि गावग्राफोरनि बागै मोनसे गिदिर आपडेट फेदों। क्राइम ब्रान्सआ बे जाथायाव मोनसे गिदिर फोरमायथि होदों, जायखौ नोंथाड खोनानानै सोमोनांगोन। गावग्रा सागर पालआ सोनायाव क्राइम ब्रान्सनो गोदान खौरां होदों। गाग्लोबग्राफोरा सलमान खाननि न'नि बायजोआव गुलि गावनायनि सिगां जर'खा फोरोंथाय लादोंमोन। गेलेक्सी एपार्टमेन्टनि बायजोआव गुलि गावनायनि सिगां गावग्राफोरा बिहारआव गावलायनायनि हुदा खालामदोंमोन। सलमान खाननि गावलायनाय जाथायाव सोंथि सोनायनि उनाव क्राइम ब्रान्चआ बुंदोंदि, गावग्रा सागर पालआ



बिहारनि सोनाब चम्पारण जिल्लायाव गावनि गामिनि खाथियाव बबेबा जायगानिफ्राय सिलाइ गावनायनि फोरोंथाय लादोंमोन। नायबिजरनायाव बेखौबो मिथिनो मोन्नाय जादोंदि, दायनिगिरिया मुम्बाइआव गावलायनायनि 4-5 सान सिगां सलमान खाननि पनवेल फार्महाउसखौबो रेकी खालामदोंमोन। बेबेखानि मुम्बाइआव सिगांनिफ्रायनो गुलि गावनायनि बिथांखि लानाय जादों। गिबि नायबिजरनाया बेखौ रोखा खालामोदि, बिसोरनि थांखिया गिनाय सोमजिहोनायमोन मानोना मुम्बाइआव सलमाननि

न'आव गुलि गावनाया बांसिन मिडिया कभारेज आरो फोसावनाय मोनगौमोन। दायनिगिरि भिक्की गुप्तानि फंबाय सनु गुप्ताखौबो सोंथि खालामबाय थानाय जादों। सनुआ चन्डीगढआव थायोमोन। बिथाड सासे मावदांसा महरे खामानि मावोमोन आरो फननिफ्राय मिथिनो मोनोदि, भिक्की गुप्ताया 13 एप्रिलनि हर गेजेराव गावनि फंबायजों रायज्जलायदोंमोन आरो खेबसे नख नाथाय गोबां खेब फनाव रायज्जलायदों। सानैबो दायनिगिरि भिक्की गुप्ता आरो सागर पालखौ मंगलबाराव मुम्बाइनि फर्ट कर्टआव थिसन्याय जादों

आरो सानैबो दायनिगिरिफोरा 25 एप्रिलसिम पुलिस बेंखनाव थागोन। पुलिसआ सानैबो दायनिगिरिफोरखौ 14 साननि थाखाय पुलिस बेंखनाव लानो खावलायदों। पुलिसआ बिजरसालिनो बुंदोंदि, बेहा गेजेर हायुंआरि सोमोन्दो थानो हागो आरो बिसोरो आरोबाव नायबिजरबावनो लुबैदोंदि, दायनिगिरिनो बाइक आरो गुबुन बेसादफोरखौ सोर जगायदोंमोन। फावखुंगुरनि न'नि बायजोआव लादां गुलि गावनायनि थाखाय बाहाय जानाय हाथियारा दासिमबो गोमानानै दं। पुलिसआ सिंसिटिभि फुटेजखौ नायबिजरनायनि उनाव सानै गावग्राफोरखौ सिनायथि होयो आरो बिसोरखौ गुजरातनि भुजनिफ्राय खायो। सानैबो दायनिगिरिफोरखौ हमनो थाखाय भुज पुलिसनिफ्राय मदत लानाय जादों। सानैखौबो भुजनिफ्राय फ्राय 40 किल'मिटर गोजानाव खानाय जादोंमोन।

## रिपु सुदान कुन्दाया राज कुन्दा जानायनि गोबां जाहोन दं

2009 माइथायनि सिगां नोंथाड राज कुन्दानि मुंखौ माब्लाबाबो खोनायाखैमोन। राज कुन्दाया 2009 माइथायाव बलिउडनि फावखुंगुरि शिल्पा शेटीजों जुलि जानाय गिबि खौरां जादोंमोन। जेरावबो सावरायनाय जादोंमोनदि, हार्टथ्रब सुपारफिट शिल्पा शेटीआ फालागिरिनि बिसि जाबाय। हाइ-फाइ जुलिन गेजेराव बेखौ मिथिनो मोन्दोंमोनदि, शिल्पाया बेबादि जुलि जायाखै नाथाय बिथांखौ लन्डननि फालागियारि टाइकुन राज कुन्दानि बिसि बुंनय जागोन। फल'रनिफ्राय अर्शसिम बे दावबायनायखौ शिल्पा शेटीखौ लोगो हमनायनि सिगां राज कुन्दाया थिरांथा लादोंमोन। बिथांनि दावबायनाया इसेबो गोरलै नडामोन। आरबपति जानायनि सिगां बिथाड गोबां पापडू फानदोंमोन। राज कुन्दानि गुबे मुड रिपु सुदान कुन्दामोन जायखौ बिथाड जाफुंसार मोन्नायनि उनाव सोलायदोंमोन। बे मुड बिथांनि रेबगननि मुं आरो गोबां मावख'आरि लेखा बिलाइफोराव बिथाड दासिमबो रिपु सुदान कुन्दा। राजनि बिफाया सासे बास कन्डाक्टर। बिथांनि बिफाया पान्जाबनिफ्राय लन्डनाव थांदोंमोन आरो बैयाव बास कन्डाक्टर महरे खामानि



मावनो लादोंमोन। बिथांनि बिमाया मोनसे गलायाव खामानि मावोमोन। उनाव बिथांनि बिफाया मोनसे फालागि जागायदों आरो मोनसे फिसा रेस्टुरेन्टखौ खुलिदोंमोन। न'नि थासारिया जोबोद गोब्राबमोन, आरबपति जानायनि दावबायनाया जोबोद गोसो बोथावनामोन। राज कुन्दानि सोमोन्दै बुंनय जायोदि, बिथाड 18 बोसोर बैसोनिफ्रायनो फालागि जागायजेन्दोंमोन। बिथांनि उन्दै समआ जेनाजों बुंफननायमोन। सानसेखालि बिथांनि बिफाया रोखायै बिथांखौ माखासे खामानि मावनो एबा रेस्टुरेन्टखौ सालायनो बुंदोंमोन। राज कुन्दाया गावनि बिफानि बाश्राफोरखौ गोथौयै लादोंमोन आरो थिरांथा लादोंमोनदि, बिथाड माबा मोनसे गुबुन खालामगोन। बिथाड गावनि

फालागिखौ जागायदोंमोन। बिथाड फालागिखौ जागायजेन्दो थाखाय माखासे रां लानानै दुबाइआव थांदोंमोन आरो बैयाव हिरा फालागिरिफोरखौ लोगो मोन्दोंमोन नाथाय फिथाइया जेबो जुनिया नडामोन। बेनि उनाव बिथाड नेपाल थांनो थिरांथा लायो। बैनिफ्राय बिथांआ परिमना शाल बायनो आरो बेफोरखौ ब्रिटेनि ब्रान्डेड फेशन स्ट'रफोराव फान्ना थांखि लादोंमोन आरो बे थांखिया जाफुंसारदोंमोन, बिथाड बे खामानियाव मुलाम्फा जादोंमोन नाथाय बिथांनि गोसोआ हिरानि फालागियाव थावथानानै दंमोन। बिथाड फिन खेबसेबाव गावनि गोसोखौ थि खालामदोंमोन आरो दुबाइ सौहैदोंमोन आरो बिथाड बे खामानियावबो जाफुंसार जानो हादोंमोन। आथिखालाव राज कुन्दाया

गुबुन-गुबुन सेक्टरफोराव फ्राय 10 कम्पनीफोरदं। बिथाड फुड चेन, फेशन इन्डस्ट्री, रियल एस्टेट, स्टील, फरेक्स इनभेस्टमेन्ट, कन्स्ट्रक्शन, सुपार फाइट लीग, सतयुग गल्ड बायदि गोबां खामानिफोरजों लोब्ला दं। बेनि अनगायैबो बिथाड गोबां सावथुनफोरावबो रां थिसनगासिनो दं। राज कुन्दाया गावनो भिडिअ'नि गेजेरजों बुंदोंमोनदि, बिथाड सिगाडव टेक्सि सालायोमोन। शिल्पा शेटी आरो राज कुन्दाया 2009 माइथायाव जुलि जादोंमोन आरो आथिखालाव बिसोरनि जुलिया 15 बोसोर बारलबाय आरो सानै गथ'फोर दं, सासे फिसाजो समीषा शेटी कुन्दा आरो सासे फिसाज्जा भियान राज कुन्दा। राज कुन्दाया शिल्पानि सिगांनो जुलि जादोंमोन, जाय गोबाव समसिम थायाखैमोन आरो फाथैलाइ बिसिदोंमोन।

## सलमान खानआ गोखों रैखाथिनि गेजेराव फेंगौ दान मोनैयावनो 'सिकन्दर' नि शुटिंखौ जागायगोन

सलमान खानआ आथिखालाव गावनि फेनो गोनां सावथुनफोर नि थाखाय खौरांआव दं। सानैसो सिगां सानै बाइकजों फेनाय सुबुड बिथांनि बांद्रानि न' गेलेक्सी एपार्टमेन्टनि गोजौ थालानि बायजोआव गुलि गावदोंमोन। बे खौरां ओंखारनायनि उनाव सलमाननि अन्सायगिरिफोरा जिगा सिदोंमोन। बे जाथायनि उनाव, दाबां खाननि रैखाथिखौ आरोबाव बांहोनाय जादों। रिपर्टफोरनि बायदिब्ला, सलमान खानआ बे जाथायनि उनाव न'आव जिरायनो लुबैयाखै आरो बिथाड जेबो नेनाय गैयाजासे जेसेबां हायो एसेबां थाब गावनि फेनो गोनां सावथुन 'सिकन्दर' नि सेबखानायखौ जागायगोन। 10 एप्रिलाव इदनि फालिथायाव सलमान खानआ गावनि फेनो गोनां सावथुन 'सिकन्दर' खौ फोसावदोंमोन। बे सावथुनखौ एआर मुरुगाद'सआ दिथा होदों। सलमानआ आथिखालाव बे सावथुननि सायाव जेबो नेनाय गैयाजासे थाबेनो खामानिखौ जागायनो लुबैदों। सावथुनजों सोमोन्दो थानाय सुलुंनि

बायदिब्ला, सलमानआ मेनिफ्राय सिकन्दरनि सेबखानायखौ जागायगोन। सावथुननि दिथागिरि एआर मुरुगाद'सआ आथिखालाव तामिल सावथुन एस्के 23 नि शुटिंआव मुखुब। खोला भारतारि फावखुंगुर शिबकार्तिकेयनि बे सावथुननि सेबखानाया जुनसिम सोलिगोन। बे समावनो मुरुगाद'सआबो मेनिफ्राय सिकन्दरनि थाखाय सेबखानायखौ जागायगोन। बेबादि थासारियाव आथिखालाव फेंगौ दान मोनैनि थाखाय मुरुगाद'सआ गावनि समखौ सिकन्दर आरो एस्के 23 सावथुननि गेजेराव रानांगोन। बे रिपर्टआव बेखौबो फोरमायनाय जादोंमोनदि, सिकन्दर सावथुन जागायनायनि सिगां मुरुगाद'सआ एस्के 23 सावथुननि जेसेबां हायो एसेबां बाहागोफोरखौ सेबखानो नाजागोन। मेआव बिथाड सिकन्दरनि मोनसे समफारि सेबखानायनि उनाव एस्के 23 सावथुनआव फेफिनगोन आरो जुनसिम बेनि सेबखानायखौ आबुडै फोजोबगोन। जुलाइनिफ्राय मुरुगाद'सआ



सलमाननि सावथुनाव गोसो होगोन। गासै हान्जाया मुरुगाद'सखौ शिबकार्तिकेयनि सावथुनखौ थि समाव फोजोबनायाव मदत खालामगासिनो दं। 'सिकन्दर'

खौ फेंगौ बोसोर 2025 माइथायाव इदनि जर'खा फालिथायाव रिजिज खालामनाय जागोन। बे सावथुना एक्शनजों आबुं जानो थांगासिनो दं।

## सासे लाइमोन फावखुंगुरआ न एन्ट्रीनि सिक्वेलआव सलमान, अनिल आरो फरदीननि जायगा लागोन

बनि कापुरआ फ्राय 5 जौथायनिफ्राय हिन्दी सावथुनाव सांग्रां जानानै दं। सासे दिहुनिगिरि महरे 'मैदान' सावथुननि थाखाय बाखायनायजों थुलुंगा मोन्नानै बनी कापुरआ आथिखालाव गावनि फेनो गोनां सावथुन न एन्ट्रीनि सिक्वेलनि थाखाय थियारि खालामगासिनो। बिथाड डिसेम्बरआव बेनि सायाव खामानि मावजेनगोन। सावथुनाव बिथांनि फिसाज्जा अर्जुन कापुर, भरुण धवन आरो दिलजीत दसांझआ जावजा फावआव खालामगोन। सावथुन बावनायनायनि जेनाफोरनि बादै रायज्जलायनानै बनीया बुंदोंदि आं बेजों लोगोसे फेनाय जेनाफोरजों हुदा जाबाय। आनि गिबि सावथुन हम पान्चआबो गोरलै नडामोन, जेराव जों गुलि गावदोंमोन बेवहाय जेबो हटेल गैयामोन। थानायनि आरो जानायनि थाखाय आबुं लाहार-फाहार खालामनाय जादोंमोन। पुकार सावथुनाव गोबां



जायगाफोर दंमोन, बेनि थाखाय जों अलास्का, मेक्सिक', लस एन्जेल्सआव थांदोंमोन। हायद्राबादाव मोनसे गिदिर सेट दंमोन, बेयाव गुबुन गुबुन जेनाफोर दंमोन। मोजां रमानसयाव 32 थावनिफोर



## हेपाटाइटिस बेराम जानायनि फारिलाइयाव भारतआ नैथि जायगा आवग्रिदों

गोदान दिल्ली, 19 एप्रिल : लिभारखौ जॉन देहानि डक्टर होन्ना बुंनय जायो। माखासे सुबुंफोरा बेखौ देहा सोलेरनि चार्ताई एकाउन्टेन्ट होन्नाबो बुडे। नाथाय बेनि उनावबो 100 नि गेजेराव सा 99 आनो बेखौ गाहामै जोथोन लाया। भारत हादतआव लिभारनि बेराम हेपाटाइटिसनि जेंनाफोरा गोखैये बांबोदों। डाब्लिउ एडच अनि ग्लबेल हेपाटाइटिस रिपोर्ट 2024 नि बायदिव्ला, हेपाटाइटिसनि जेंना जानायनि बिथिडाव भारतआ चीननि उनाव नैथि नाम्बाराव दड। लिभार इन्फेक्सननि जाहोनाव बोसोरफोमबो मुलुगनाडे 13 लाख सुबुंफोरनि जिउ गोमायो। फारसेथि बेनि जाहोनाव पेटि लिभार, लिभार सिर'सिस आरो लिभार केन्सारीन केसफोराबो



बांसिन जाबोदों। रिपोर्टनि बायदिव्ला भारत हादतआव बोसोरफोमबो 15 लाखनि बांसिन सुबुंफोरा लिभार गात्रि जानाडे एबा लिभारनि जेंनाजों भुगिनाडे आरो 5 लाखनि बांसिन सुबुंफोरा सिर'सिसनि जेंनाजों मोगा-मोगि जानाडे। ब्रिटिस लिभार ट्रस्टनि रिपोर्टआव

बुंनय बायदिव्ला, थानाय 10 बोसोराव लिभारजों लोब्बा थानाय बेरामफोरजों थैनायनि अन्जिमाया 40 जौखोन्दो बांदों। बेबायदि गिदिर खैफोदनिफ्राय रैखा मोननोब्ला जों बयबो देहा सोलेरआव नुजाथिनाय फिसा फिसा सोलायनायफोरखौ नोजोर लाखिनांगो, लोगोसेनो जानाय-

लौनायनि सायाव जर'खा नोजोर होनांगो। आथिखालाव सशेल मिडियाआव बेफोरनि बागैबो गोबां रोखोमनि खौरां मिबथिहोनाय जायो। बेफोरबो सुबुंफोरनि थाखाय गोबां जेंनाफोरखौ बांसिन सोमजिखांहोदों। देहाखौ गाहामै लाखिनायनि थाखाय सशेल मिडियाआव फोसावनाय बायदि राहाफोरखौ सुबुंफोरा फल'खालामो। बेनि जाहोनावबो सुबुंफोरनि देहाया गात्रिसिन जालानो हमदों।

## रांखान्थि आंखालजों भुगिनांनय पाकिस्तानखौ आइएमएफआ फिन मदत खालामगोन

कराचि, 19 एप्रिल : पाकिस्तानखौ लानानै इन्टरनेशनल मानिटारि फान्ड (आइएमएफ) नि गोसोखौ गुरै जानाय नुनो मोन्दों। नोगोद रांखान्थिनि आंखालजों भुगिनांनय पाकिस्तानखौ मदत खालामनो आइएमएफआ गनायथिबाय। आइएमएफआव सोनाब एसिया आरो गेजेर एसिया बिफाननि बिथोनगिरि जिहाद अजदआ आइएमएफ आरो वर्ल्ड बैंकनि गेजेराव जानाय मोनसे जथुमानि समाव खौरांगिरिफोरनि सिगाडाव बुडोदि, माखासे गाहाइ सेलेन्सफोरजों जुजिनायाव मदत खालामनो थाखाय गावसोर मोनसे गोदान हाबाफारि लाबोनायनि बाश्ना सावरायदों। 10 दान सिगां जागायनाय आथिखालनि हाबाफारिखौ लानानै पाकिस्तानआ रांखान्थि दिदोमथिनि बिथिडव माखासे मख'जाथाव जाफुंसारनो हादों। आइएमएफनि बिबानगिरिया गावनि आसा खालामनायखौ




मिबथिहोनानै बुडोदि, सिगांनि नायसंनया जाफुंसार जादोंमोन आरो बेखौ बिथोनगिरि आफादिनि खाथियाव मिबथिहोनाय जागोन। बेनिफ्राय बै हाबाफारिखौ फोजोबनाय जागोन, जायजों पाकिस्तानखौ रांखान्थियारि जेंनाखौ सुखानो आरो बिनि रांखान्थि दिदोमथिखौ लाखिलांनयाव मदत खालामनाय जादोंमोन। अजरआ बुंनयदोंदि, बै राहाफोरा पाकिस्ताननो गावनि बाक्खिखौ बांहोनायनि गनायथि होयो।

आथिखालाव बिबानगिरिफोरा माखासे गाहाइ सेनेलेन्सफोरखौ सुखानायाव पाकिस्तानखौ मदत खालामनो थाखाय मोनसे गोदान हाबाफारि लाबोनायनि सायाव बिबानगिरिफोरा गनायथिदों। बेफोरनि गेजेराव मोनसेया जादों गोखों रांखान्थि दिदोमथिखौ लाखिलांनयाव। बेनि थाखाय बाजेर ख'हानि थाखोखौ बाडइ खालामनाय एबा टेक्स बिथिडव सावखानाया लाबोना रांखान्थि बाक्खिखौ गोखों खालामनायनि थाखायबो

हाबाफारि मावलांनयनि गोनांथि जागोन। टेक्सखौ बांहोनायजों सरकारा रां दाहार लानायखौ सुखानायाव मदत मोन्यायजों लोगोसे उफ्राये समाजारि मदत होनोबो हागोन होन्ना बिथाड बुंदों। फारसेथि नैथि थांखि हिसाबै इनाजिनि बिथिडाव गोखों सावखानाया लाबोनांगोन। बिथो गोबाव समनिफ्रायनो गिबि नोजोर होथाव जानानै फेदों आरो पाकिस्ताननि थाखाय आथिखालाव बिथो गोनांथार जानानैबो फेदों।

## बिगियानगिरिफोरा गुजरातआव 4.7 कौटि बोसोर गोजाम जिबौनि हारा बोखानो मोन्दों



आरो आइआइटी रुकीनि संदानगिरि देबजित दुत्तआ बुंदोंदि, बैनि दाथायखौ नायनानै हमदानो हागौदि, बासुकीया मोनसे रोखोमनि जोबोद लासैये मानबायग्रा जिबौमोन, जाय एनाकन्डा आरो अजगर जिबौ बायदिनो गावनि मैहुरखौ फानफ्रवनानै जिउ फोजोबना जायोमोन। जेव्ला बुहुमाव बिदुंआ आथिखालनिफ्राय जोबोद बांसिनमोन अब्ला बेफोर जिबौआ बोरिमा ओन्सोलनि खाथि-खाला दोलबारि हायाव थायोमोन। बे जिबौआ 6.5 कौटि बोसोर सिगां डाइनासरनि गुदि बिथाया जोबनायनि उनाव जायगायनाय सेनजइक मुगायाव दंमोन। आसुकी जिबौनि सिनसिनि हारानि बयनिखुइ देरसिन हारखौ सुनानै 4.5 इन्सि मोन्दों आरो बिगियानगिरिफोरनि बायदिब्ला, बेनि गासै गोलावाव 17 इन्सि जागौमोन। अदेबानि संदाननायाव बिगियानगिरिफोरा जिबौनि खर'खौ मोनाखे।

## इरानआ हादतआव उरां जाहाजफोरखौ केन्सेल खालामदों

जेरुजालेम, 19 एप्रिल : इराननिफ्राय इच्चाइलआव गाग्लोबनायनि उनाव सोनाब एसिया आरो गेजेर सान्जा बाहागोआव दावहा जानायनि आसा नुनो मोन्नाय जादों। बे गासै ओन्सोलाव दावहा जागोनखौ रोखायै नुहुरनो हानाय जादों। माखासे सान सिगां इरानआ 300 नि बांसिन ड्रन आरो मिसाइलजों इच्चाइलआव गाग्लोबदोंमोन। इच्चाइलआव बेफोरनि 99 जौखोन्दो ड्रन आरो मिसाइलफोरखौ सिलिंखार खालामनो हादों होन्ना दाबि इराननि बेफोर गाग्लोबनायनि फिनजाथाइ होदों इच्चाइलआव। इच्चाइलनि फारसेनिफ्राय गाग्लोबनायनि रिपोर्टआ सोराडव फेनायनि उनाव इरानआ सोनाब बाहागोयाव गावसोरनि एयार स्पेसखौ हान्था-मेलानि थाखाय बन्द'खालामना होयो। बमा बेरफुनायनि उनाव माखासे



उरांफोरखौ डाइभाट खालामनाय जादों। इरानआ तेहरान, इस्फहान, सिराजआव थानो गोनां गासैबो फ्लाइटफोरखौ केन्सेल खालामना होदों। फारसेथि गं 8 फ्लाइटफोरखौ डाइभाट खालामनायनि खौरां मोन्ना हादों। इराननि मिडियाआव बमा बेरफुनायनि सोदोब खोनानो मोन्नायनि उनाव फ्लाइटफोरखौ केन्सेल खालामनायनि थांखि लायो। बे उरां गाथोननि साखाथियाव थानाय क'हजभारिस्तानआव बमा बेरफुयो। सोलोखाथियारि आरो नोजोर होथाव बे जायगाखौ जोबोद सन्देह'गोनां होन्ना

गनायनाय जायो। इराननि निउक्लियार प्लान्टखौ ख'हा खालामनायनि खौरां सफेनायनि गेजेरावनो इराननि इस्लामिक रिभल्युशन गार्डस कर (आइआरजिसि) आ हादतनि निउक्लियार प्लान्टखौ आवुडै रेखाथियै दड होन्ना बुंदों। आरआरजिसिनि सासे गागि कामान्दार ब्रिगेडियार जेनेरेल आहमेद हजतलबआ

निउक्लियार प्लान्टफोरखौ आवुडै रेखाथियै दड होन्ना फोरमायदों। बिथानि सायाव निउक्लियार प्लान्टनि रेखाथिनि बिबान दड आरो आइआरजिसिनि बै इडनिटिनबो बिथाड चिफ। इच्चाइलआव गाग्लोबनायनि मिडिया रिपोर्टफोरा सोराडव फेनायनि उनाव तेहरानआ मिसाइल डिफेन्स सिस्टेमखौ एक्टिभ खालामो। थानाय 14 एप्रिलखालि इरानआ गाग्लोबनायनि फिनजाथाइ होनानै इच्चाइलआव बेबायदिदिये गाग्लोबदों। अदेबानि बे दरने हादतनि गेजेराव दावहाया 1 एप्रिलखालि जागायदोंमोन। बे सानाव इच्चाइलनि सिरियायि राजथावनि डमिस्क'आव थानाय इराननि थान्दै मावख'आव गाग्लोबदोंमोन। बेनि उनाव इरानआ इच्चाइलआव ड्रन आरो मिसाइलजों गाग्लोबदोंमोन।

भारतआ ब्रह्मास मिसाइलनि गिबि सेटखौ फिलिपाइन्सिनो गथायगोन

## भारतआ ब्रह्मास मिसाइलनि गिबि सेटखौ फिलिपाइन्सिनो गथायगोन

गोदान दिल्ली, 19 एप्रिल : भारतआ फिलिपाइन्सिनो ब्रह्मास सुपारसिनिक कु ज मिसाइलफोरनि गिबि सेटखौ हरनो थाखाय थियार जाबाय। 2022 आव दरने हादतनि गेजेराव 37.5 कौटि आमेरिकान डलारनि रादायाव मुंसाइ होलायदोंमोन। बेनि गेजेरजों गिबि सेटखौ भारतआ गथायना होनो थांखि लायो। सुलुंनि बायदिव्ला भारतीय अख्रामा सान्थिया फिलिपाइन्स मरिन कर्प्सनो हाथियारनि सेटखौ गथायना होनो थाखाय मिसाइलफोरजों गावनि आमेरिकान सि-17 ग्लब



मास्टर हान्था-मेल खालामग्रा उरांखौ फिलिपाइन्सआव दैथाइहरनो नागिरदों। मिसाइलफोरजों लोगोसेनो ब्रह्मास सुपार सिनिक कु ज मिसाइल प्रग्रामनि थाखाय ग्राउन्ट सिस्टेमनि एक्सपर्टखो थानाय दाननिफ्रायनो

जागायनाय जादोंमोन। आथिखालाव खोला चीन लैथोयाव लान्थियै सोलिबाय थानाय दावराव-दावसिनि जाहोनाव चीनजों बिनि सोमोन्दोया जेंना गोनांसिन जानायनि गेजेराव बेफोर मिसाइलखौ भारतनिफ्राय

डिलिभारि हरनाया मख'जाथाव जानानै फेदों। ब्रह्मास मिसाइल प्रग्रामनि मोन्थाम बेटारिफोरखौ ओन्सोलाव फे नो हाथाव खै फोदनिफ्राय रैखा खालामनायनि थाखाय फिलिपाइन्सनि गावनि बोरिमा ओन्सोलफोराव थिसन्ना सुथुफोरखौ नोजोर लाखिगोन। ब्रह्मास सुपारसिनिक कु ज मिसाइलखौ डिआरजिअ आरो रासियायि एनपिअ मसिनस्ट्रेणिया लोगो नांनानै जौगाखां होदों, जायखौ मुलुगनि बयनिखुइबो जाफुंसारनाय मिसाइल प्रग्रामफोरनि गेजेराव मोनसे होन्ना बुंनय जायो।

## आथिखालाव रासियानि हेंथायै इउक्रेनआ आलादा दावहा जागायदों

कीयेभ, 19 एप्रिल: रासियाजों दावहा नांनयाव गावसोरखौ दावखलायनाय नुनानै इउक्रेनआ आथिखालाव मस्कनि हेंथायै आलादा रोखोमै दावहा जागायदों। इउक्रेनआ रासियाआव गाग्लोबनो थाखाय आथिखालाव ड्रनि जायगायाव बेरफुग्रा बेसादजों लेस खालामनाय जिपिएस बेलुन दैथाय हरगासिनो दड। रासियायि रेखाथि बिफानआ बुंदोंदि, रासियायि अख्रामा सान्थि हान्जाफोरा इउक्रेननि बेबादि मोनबा बेलुनफोरखौ सिलिंखार खालामदों। आथिखालाव रासिया आरो इउक्रेननि बिबानगिरिफोरा बे बेलुनफोरनि सोमोन्दै गोबां खेंफोरथि होयाखै। रासियायि बिबानगिरिफोर आरो मिडियाआ बावैसो सिगांनि सप्ताहआव दावहानि फोथारआव सन्देह खालामथाव बेलुनफोर बिहोनायखौ लानानै खौरां होदों। थानाय 2022 नि फेब्रुवारि दानआव दावहा जागायनायनि उननिफ्राय इउक्रेननि सान्थिफोरा




दावहायाव गोदान गोदान रहा लामा आजावनानै लागसिनो दड। रासियायि सान्थिफोरनि हेंथायै इउक्रेननि फारसेनिफ्राय ड्रनबो बाहायगासिनो दड। खौरांनि बादिव्ला, इउक्रेननि बेलुनआ जिपिएस मड्युल आरो बेरफुग्रा बेसादजों लेस जानाय बेयो फिसा ड्रनि रुजुनायाव बेसेबां गोखोंसिन बेखौ मिथिनाया गोन्नाब जायो। बे बेलुनआ बाराव बारा गोबावसिम बिरनो हाया। जुदि बेलुनखौ बबेबा सायख'नाय ओन्सोलाव हगारोब्ला जिपिएस मड्युलखौ बेरफुग्रा

बेसादफोरखौ गारखलायनो थाखाय बाहायो, जायनि थांखिया हायाव गिनाय

गोसारहोनाय आरो रासियायि अख्रामा रेखाथि फसंथानफोरखौ नोजोर होनाय।

## कर्नाटकनि बिभिबि फरायसालिमायाव सासे फरायसुलिखौ जिउ फोजोबदों

हुबली, 19 एप्रिल : कर्नाटकनि हुबलीयाव बिभिबि फरायसालिमा लांगोना सिडव बृहस्पतिवारखालि मोनसे बुथारनाय जाथाय सोमजियो। कंग्रेसनि काउन्सिलर निरन्जन हिरेमतनि फिसाजोखौ फरायसालिमा सिडवनो दाबासुरिजों गाग्लोबनानै जिउ फोजोबो। जिउ गोमानाय फरायसालिमा मुड नेहा हिरेमतमोन आरो बिथो एमसिए सेथि थाखोनि फरायसामोन। पुलिसनि मिबथिहोनाय बायदिव्ला, दायनिगिरि पैयाजआ दाबासुरि लानानै फरायसालिमा केम्पासनि सिडव हाबफेना नेहाखौ दाबासुरिजों गले गले गाग्लोबो। बिथो गासै खेबबा नेहाखौ गाग्लोबनायाव गावहाबो जोखोम जादोंमोन। उनाव सानैखौबो देहा फाहामसालियाव



लानाय जायो, जेराव नेहाखौ थैबाय होन्ना फोसावो। पुलिसनि बायदिव्ला दायनिगिरि पैयाजआ एमसिए ड्रप आउट एबा पास जालांखानाय। पुलिसआ बिखौ हमो। थैनाय फरायसुलि नेहा आरो दायनिगिरि पैयाजआ बिसिए थाखोयाव बेचमेटमोन। फरायसालिमा सिडव बुथारनाय बे जाथाया सिसिदिथि केमेरायाव आवुडै सेबखांजानानै थादों। पुलिस बिबानगिरिया मिबथिहोदोंदि, जेरा सेबनायाव पैयाजआ गावसोर सानैजों रिलेशनसिपआव दडमोन होन्ना फोरमायदों आरो हरखाबै नेहाया गावनिफ्राय जानगार जादोंमोन। पुलिसआ बुथारनायनि मोनसे केस थिसननानै नायबिजिरनायखौ जागायो।

लानाय जायो, जेराव नेहाखौ थैबाय होन्ना फोसावो। पुलिसनि बायदिव्ला दायनिगिरि पैयाजआ एमसिए ड्रप आउट एबा पास जालांखानाय। पुलिसआ बिखौ हमो। थैनाय फरायसुलि नेहा आरो दायनिगिरि पैयाजआ बिसिए थाखोयाव बेचमेटमोन। फरायसालिमा सिडव बुथारनाय बे जाथाया सिसिदिथि केमेरायाव आवुडै सेबखांजानानै थादों। पुलिस बिबानगिरिया मिबथिहोदोंदि, जेरा सेबनायाव पैयाजआ गावसोर सानैजों रिलेशनसिपआव दडमोन होन्ना फोरमायदों आरो हरखाबै नेहाया गावनिफ्राय जानगार जादोंमोन। पुलिसआ बुथारनायनि मोनसे केस थिसननानै नायबिजिरनायखौ जागायो।



# मुम्बाइनि हान्जाया प्लेअफभाव सौहैनोब्ला माखासे हाबाखौ मावनांगोन

गोदान दिल्ली, 19 एप्रिल: हार्दिक पन्डियानि केप्टेनआव मुम्बाइ इन्डियान्सनि हान्जाया आरोबाव खेबसे मेच देरहानानै गासै खेबथामल 'देरहानाया थिसनबाय। नाथाय खेब 7 मेचआव खेबथामल 'देरहानाया हान्जानि थाखाय थोजासे नड। मानोना गासैबो हान्जाफोरा खेब 6 मेचखौ गेलेजोबखांबाय आरो प्लेअफनि रेसआवबो माखासे हान्जाफोरा सिगाडाव दड। पइन्टनि फारिआव उनाव थानाय हान्जाफोरा जानो गोनां मेचफोराव मोजाडै दिन्थिफुडेब्लासो टप 4 आव सौहैनो हागोन। बे फारिआव आरआरनि हान्जाया रेखाथियाव दंसिनो। मानोना राजस्ताननि हान्जाया खेब 7 नि गेजेराव खेब 6 मेचआव देरहानानै 12 पइन्टजो नम्बर 1 मासिआव



जायगा मोनो। बेनि उनाव नैथि नम्बरआव केकेआरआ खेब 6 मेचआव खेबब्रै देरहानायजो 8 पइन्ट आर्जिनानै दड। सिएसकेआबो खेबब्रै मेच देरहानानै 8 पइन्ट आर्जिबाय। बे फारिआव एसआरएइसनि हान्जाया खेब 6 मेचआव खेबब्रै देरहानानै प्लेअफ फासै मोखां

जानानै दड। नाथाय बे हान्जानि प्लेअफआव सौहैनोनाआ दासिमावबो रोखा नड। सोलिफु समाव पइन्टनि फारिआव हान्जाफोरा ट्राफिक जाम बायदि थुबुर जानानै दड। मानोना 8 पइन्ट लानाय हान्जाफोरा गासै मोनथाम आरो बेबादिनो 6 पइन्ट आर्जिनाय हान्जाफोराबो मोनब्रै

दड। एलएसजि, दिल्ली केपिटेलस, मुम्बाइ इन्डियान्स आरो गुजराट टाइटन्सआ फारिये 3-3 मेच देरहानायजो 6 पइन्ट आर्जिबाय। नाथाय 6 पइन्ट लानाय मोनब्रै हान्जानि गेजेराव एलएसजिआ साबसिनआव दड। मानोना बे हान्जाया दासिमाव खेब 6 मेचल'

गेलेदो। जेराव गुबुनआ खेब 7 मेच गेलेखांबाय। प्लेअफआव सौहैनोनासायाव नोजोर होयोब्ला मोनसे टीमआ टप 4 आव लीग स्टेज जोबनायसिमाव खेमैब्लाबो 16 पइन्ट आर्जिनांगोन। बेबादि थासारिआव आरआरनि हान्जाया खेबनै मेच देरहायोब्लानो सौहैनोना। नाथाय केकेआर, सिएसके आरो एसआरएइसआ खेमैब्लाबो खेबब्रै मेच देरहानांगो दंबावो। नाथाय 6 पइन्ट आर्जिनाय न्जाफोरनि लामाया दासिमावबो गोब्राबआव दड। पान्जाब किंस आरो आरसिबिनि सायाव नोजोर होयोब्ला पान्जाबआ 4 आरो आरसिबिआ 2 पइन्टल' आर्जिदो। नाथाय बे हान्जाया मावख'यारि महरै प्लेअफनि मेचनिफ्राय जानगाराखै। नाथाय बे हान्जाया बेनिफ्राय खेबसे मेच जेनोब्लानो आबुडै नो जायखारसिगोन। बेबादि थासारिआव फैगो 1 सप्ताहनि गेजेरावो प्लेअफनि रेसआव हान्जाफोरनि सावगारिआ रोखा जासिगोन।

गोदान दिल्ली, 19 एप्रिल:

आइपिएलनि सोलिफु 17 थि सिजनआव पान्जाब किंसनि हान्जाया मिर्जिथि बादि दिन्थिफु'नो हायाखैब्लाबो हान्जानि गेलेगिरि 25 बोसोर बैसोनि आशुतष शर्माआ गावनि रंगथिजो बयनिबो गोसखौ देरहादो। बिथाडा गुजपात टाइटान्सनि हेंथायै मेचआव आइपिएलआव डेब्यु खालामानायनि खाबु मोन्दोमोन। बेनि उननिफ्राय बिथाडा दासिमाव खेबब्रै इनिंस गेलेबाय। जेराव आशुतषआ 8 नम्बर पजिसनआव बेटिं खालामनो खाबु मोन्दो। बिथाडा बे समाव दासिमाव 52 जौखोन्दोजो 156 रान लाबाय। जायनि फारिआव बिथाडा मुम्बाइनि हेंथायै मेचआव 61 राननि इनिंस गेलेनानै आइपिएलनि 17 बोसोरनि जारिमिनआव मोनसे जर्'खा रेकड थिसन्दो। थामहिनबा बिथाडा आइपिएलनि 17 बोसोरनि जारिमिनआव एरेबादि भारतीय गेलेगिरि जानो हाबाय। जाय खेबसे सिजनआव नम्बर 8 पजिसनआव गेलेनानै 100 निखुइ बांसिन रान लानो हानाय



जादो। रशिद खाननि उनाव आइपिएलआव आशुतषआ बेबादि रान लानाय नैथि गेलेगिरि जाबाय। जेराव बेनि सिगां 2023 आव गेलेनाय सिजनआव रशिद खानआ नम्बर 8 एबा बेनिखुइ गाहाइसिन पजिसनआव बेटिं खालामनानै 100 निखुइ बांसिन रान लादोमोन। आशुतषआ दासिमाव सोलिफु सिजननि खेबब्रै इनिंसआव 205.26 स्ट्राइक रेटजो रान लादो। जायनि फारिआव बिथाडा खेब गु 4 रान आरो खेब जिथाम 6 रान लादो। मख'नो गोनांदि, आशुतषखौ पान्जाब किंसनि हान्जाया सोलिफु सिजनखौ लानानै प्लेयर अक्सननि समाव 20 लाख रनि बेस प्राइजआव हान्जायाव बाहागो खालामदोमोन। 2023 आव

## भिनेश-अन्सुआ अलिम्पिक कथानि थाखाय गोस्त्रो सेलेन्ज होनो थियादि

गोदान दिल्ली, 19 एप्रिल: भारतनि सा 17 रेसलारफोरा शुक्रबारनिफ्राय जागायनाय एसिया अलिम्पिक क्वालिफायरनि गेजेरजो पेरिस अलिम्पिक गेम्सनि कथा मोन्यायनि थाखाय गोस्त्रो सेलेन्ज होगोन। जायनि गेजेराव बयनिबो नोजोरआ बांसिन खेबनै अलिम्पिकआव बाहागो लाखांनाय भिनेश फगातनि सायाव गोलैगोन। बे इभेन्टनि प्री स्टाइल, आइजो आरो ग्रिक'रमन केटेगिरिआव गासै मोन 36 कथानि थाखाय गेलेगिरिफोरा सेलेन्ज होज्जलायगोन। भारतनि रेसलारफोरा मोनसे इभेन्टखौ नागारनानै गासैबो लिस्थायारि केटेगिरिआवबो कथा आर्जिनो नाजागोन। 19 बोसोर बैसोनि अन्तिम फंगालआ सर्बियायनि बेलग्रेडआव 2023 आव जालांनाय वर्ल्ड रेसलिं सेम्पियनसिपआव ब्रन्ज मेडेल देरहानानै भारतनि थाखाय आइजोफोरनि 53 कि:ग्रा:



केटेगिरिआव सिगांनो कथा आर्जिखांबाय। आइजो केटेगिरिआव बे खेबआव 50 कि:ग्रा:आव भिनेश, 76 कि:ग्रा:आव रितिका हुड्डा, 57 कि:ग्रा:आव सोलिफु आन्डार 23 वर्ल्ड सेम्पियन अन्सु, 62 कि:ग्रा:आव मानस्वी आरो 68 कि:ग्रा: केटेगिरिआव निशाआ गोस्त्रोडै दिन्थिफुनानै गावसोरनि मासिखौ रेखाथि होनो नाजागोन। भारतनि रेसलिं फेडरसननि बारग' आफादिगिरि बृजभुषन चरन सिंहनि हेंथायै भारतीय रेसलारफोरनि बिग्रायखानायाव गाहाइ बिफाव लानाय भिनेशनि सायाव बे खेबआव बांसिन नोजोर गोलैगोन। 26 बोसोर बैसोनि

भिनेशआ थानाय मार्च दानआव 50 कि:ग्रा: केटेगिरिआव नेसेनेल सेलेक्सन ट्रायलआव देरहादोमोन। बिथाडा पातियालाआव जालांनाय बे सेलेक्सन ट्रायलआव बिबानगिरिफोरनिफ्राय गनायथि मोन्यायनि उनाव 53 कि:ग्रा: केटेगिरिनि इभेन्टआवबो बाहागो जादोमोन। नाथाय सेमिफाइनलाव जेन्नांदोमोन। हौवाफोरनि प्री स्टाइल केटेगिरिआव अमन शेहराबतआ 57 कि:ग्रा: केटेगिरिआव नेसेनेल ट्रायलआव टकिय अलिम्पिक मेडेलिस्ट रवि दहियाखौ फेजेनानै गावनि जायगाखौ रोखा खालामानायनि उनाव गोबां मुं आर्जिदोमोन। बिथाडाबो आथिखालाव मोजां फर्मआवबो दड। बिथाडा सोलिफु बोसोरनि जानुवारि दानआव जागेरेव

अपेनआव सनानि मेडेल देरहादोमोन। बिथानि अनगायै सुजितनि सायावबो सोलिफु एसिया अलिम्पिक क्वालिफायरआव भारतीय अन्सायगिरिफोरा नोजोर लाखिगोन। मानोना बिथाडा टकिय अलिम्पिकनि ब्रन्ज मेडेलिस्ट बजरं पुनियाआ फेलें जानायनि उनाव 65 कि:ग्रा: केटेगिरिआव भारतनि सेलेन्जखौ दैदेनगासिनो दड। टकिय अलिम्पिकआव मेडेलनिफ्राय आन्त्रायनानाय दिपक पुनियाआ 86 कि:ग्रा: केटेगिरिआव कथा आर्जिनो नाजागोन। बिथानि अनगायैबो 74 कि:ग्रा:आव जयदीप, 97 कि:ग्रा:आव दिपक आरो 125 कि:ग्रा:आव सुमितआ गावसोरनि साबसिन फर्मखौ होनो नाजागोन। ग्रिक'रमनआव सुमितआ 60 कि:ग्रा:, आसुआ 67 कि:ग्रा:, भिकाशआ 77 कि:ग्रा:, सुनिलआ 87 कि:ग्रा:, नितेशआ 97 कि:ग्रा: आरो नभिनआ 130 कि:ग्रा: लिस्थायारि केटेगिरिआव हादरनि थाखाय अलिम्पिक कथानि थंखिआव ओंखारगोन।

## 6 बोसोर बैसोनि तक्षभी भाघानीआ जारिमिन सोरजिदो

गोदान दिल्ली, 19 एप्रिल: आहमेदाबादनि तक्षभी भाघानीआ 6 बोसोर बैसोआवबो गावनि रंगथिजो गोबां मुं आर्जिनो हादो। आथिखालाव हिन्जावसा भाघानीआ भारतनि अनगायै मुलुगनाडैनो सावरायजागासिनो दड। बिथाडा 6 बोसोर बैसोआवबो गावनि रंगथिजो स्केटिनि फोथारआव मुं आर्जिनानै गिनिज बुक अफ वर्ल्ड रेकडआव थिसनजादो। तक्षभीआ लएस्ट लिम्ब स्केटिआव 25 मिटारनिखुइ बांसिन दिन्थिफुनायजो वर्ल्ड रेकडआव गावनि मुं लाखिदो। बिथाडा बे रेकडजो गावनि मुंजो लोगोसे भारतखौ मुलुगनां थाखोआव मिथिसार होदो। तक्षभीआ स्केटिआव बुक अफ वर्ल्ड रेकडआव थिसनजानायनि सायाव गिनिज वर्ल्ड रेकडआ



मोनसे भिडिअनि गेजेरजो फोसावदो। मोनसे भिडिअआव गिनिज वर्ल्ड रेकडआ 6 बोसोर बैसोनि तक्षभीनि स्केटिं खालामानायखो दिन्थिदो। लोगोसे भिडिअनि पस्टआव 25 मिटारनिखुइ बांसिन लएस्ट लिम्ब स्केटिआव दिन्थिफुनायखौ फोरमायदो। थानाय बोसोरनि 10

सेम्टिमिटर जौथायाव थानाय 25 मिटार जान्थायसिम ग्लाइड खालामदोमोन। लिम्ब स्केटिनि मुलुगआव तक्षभी आरो मानस्वीनि अनगायै 18 बोसोर बैसोनि क्रस्टि धर्मन्ड शर्माआबो मोजाडै दिन्थिफु'नो हायाखै। बिथाडा 2023 नि जुलाइ दानआव 25 मिटारनिखुइ बांसिन स्केटिआव बाडाइ सम लानायजो गोदान रेकड थिसन्दोमोन। बे समाव बिथाडा बे जान्थायखौ 6.94 सेकेन्डआव आबु खालामदोमोन। बे समाव धर्मन्ड आ 2021 आव थिसननाय गावनिनो वर्ल्ड रेकडखौ सिफायनानै सुद्रायनो हादो।

## जशप्रीत भुमराहआ गासैबो गेलेगिरिफोरखौनो उनाव लाखिदो



गोदान दिल्ली, 19 एप्रिल: सोलिफु आइपिएलआव हान्जाफोरनि उन-सिगां जानायजो लोगोसे गेलेगिरिफोरनि केपआव जायगा आवप्रिनाय रेसआवबो उन सिगां जानानै फैगासिनो दड। बेबादि थासारिआव गेलेगिरिफोरा गोबां रान लानो आरो उडकेट लानाडो। पार्ल आरो अरेन्ज केपनि फारिआव गावसोरखौ सिगाडाव लाखिनो नाजागोन। बयनिखुइ बांसिन रान लानाय बेटसमेनफोरा अरेन्ज केप आरो बांसिन उडकेट लानाय बलारआ पार्ल केपखौ देरहायो। बेबादि फारिआव जशप्रीत भुमराहआ बयनिखुइबो बांसिन उडकेट लानानै गुबुन गेलेगिरिफोरखौ उनाव लाखिदो। भुमराहआ पान्जाब किंसनि हेंथायै महालीआव गेलेनाय मेचनि 4 अभासआव 21 रान होनानै 3 उडकेट लानायजो युजबेन्ड सहलखौ गाख्खलायनानै बयनिखुइबो बांसिन उडकेट लानाय बलार जायो। बिथानि उनाव सहलआ नैथि नम्बरआव जायगा मोनो। भुमराहआ दासिमाव गेलेनाय खेब 7 मेचआव 13 उडकेट लाबाय। जायनि फारिआव बिथाडा खेबसे मेचआवबो 5 उडकेटबो लाखांबाय। सहलआ बिथानि उनाव खेब 7 मेचआव 12 उडकेटजो जायगा आवप्रियो। बेबादि थासारिनि गेजेरावो मुम्बाइ इन्डियान्सनि थाखाय जेराल्ड कएटजीआ गोस्त्रोडै दिन्थिफुनानै 12 उडकेटजो सहलनि समानआव सौहैयो। नाथाय बिथाडा थामथि मासिआवबो जायगा मोनो। टप 5 आव जायगा आवप्रिनाय बलारफोरनि बाश्रा बुडोब्ला थ्रैथि नम्बरआव 10 उडकेटजो डिंसिनि कलिल आहमेदआ जायगा मोन्यायनि उनाव 5 थि नम्बरआव 10 उडकेटजो कगिस रबार्टआ जायगा आवप्रियो।

## दिपक पुनिया आरो सुजित कलकलनि अलिम्पिकआव बाहागो लानायनि सिमाइ जेनायाव


गोदान दिल्ली, 19 एप्रिल: पेरिसआव सोलिफु बोसोरनिनो फैगो 26 जुलाइनिफ्राय अलिम्पिक गेम्सआ जागायगोन। जायनि थाखाय लान्थियै गुबुन गुबुन गेलेमुफोरनि क्वालिफायर राउन्डआ खुंजागासिनो दड। बेबादि थासारिआव 19 एप्रिलनिफ्राय अलिम्पिकआव कथा मोन्यायनि थाखाय एसियाय अलिम्पिक क्वालिफायरनि गेजेरजो गेलेगिरिफोरा गावसोरनि सेलेन्जखौ लाखिदो। नाथाय बे इभेन्टनि सिगांनो भारतनि सांने रेसलारफोरा जेनायाव गोलैदो। जायनि फारिआव टकिय अलिम्पिकआव मेडेल देरहानायनि साखाथियाव सौहैनय दिपक पुनिया आरो सुजित कलकलनि मुड फेदो। बिसोर सांनैआ दुबाइआव गोब्राव अखा हानायनि जाउनाव पेरिससिम थानाय फ्लाइटआव गोबाव जानायनि जाउनाव थि समाव सौहैयाखै। जायनि फिथाइ महरै खुंफु'ग्रा आफादआ बिथामोननि बाहागो जानायनि



गनायथि होयाखै। दिपकआ 86 कि:ग्रा: आरो सुजितआ 74 कि:ग्रा: लिस्थायारि केटेगिरिनि क्वालिफायरआव बाहागो लानांगोमोन। नाथाय दुबाइआव फ्लाइटआ गोबाव जानायनि जाउनाव बिसोर सांनैआ बिस्केकसिम सौहैनय समाव बिथामोननि इभेन्टनि रेसलारफोरनि लिस्थायखौ लाखांबायमोन। जाउनाव खुंफु'ग्रा आफादआ बिथामोननि बाहागो जानायखौ नेवसिगारो। बिसोरनि सिगां सा 15 रेसलारफोरा थि समाव बिस्केकआव सौहैदो। एसिया अलिम्पिक क्वालिफायरआव रेसलारफोरा प्री स्टाइल आइजो

केटेगिरि आरो ग्रिक'रमनआव गासै मोन 36 कथानि सेलेन्जआव ओंखारगोन। जेराव भारतीय रेसलारफोरा मोनसे इभेन्टखौ नागारनानै गासैबो केटेगिरिआवबो बाहागो लागोन। एसिया अलिम्पिक क्वालिफायरआव बाहागो लानो सौहैनय रेसलारफोरनि गेजेराव बयनिबो नोजोरआ हौवाफोरनि प्री स्टाइल केटेगिरिआव अमन शेहराबतनि अनगायै जयदीप, दिपक आरो सुमितनि सायाव गोलैगोन। आइजो केटेगिरिआव भिनेशनि अनगायै रितिका हुड्डा, आन्डार 23 वर्ल्ड सेम्पियन अन्सु, मानस्वी आरो निसानिफ्राय मिर्जिथि लादो।

गोदान दिल्ली, 19 एप्रिल: भारतनि लं जाम्पार मुरली श्रीशंकरआ ट्रेनिनि समाव हान्थुआव जोखोम मोन्यायनि जाउनाव पेरिस अलिम्पिक निफ्राय जायखारनांबाय। मानोना बिथाडा बे जोखोमनि थाखाय सार्जारि खालामजानांगो जासिगोन। जायनि जाउनाव बिथाडा 2024 नि आबु सिजनआवबो ओंखारनो हानाय नंला। एसियायन गेम्स आरो कमनवेल्थ गेम्सआव सिलभार मेडेल देरहानाय श्रीशंकरआ 2023 एसियायन एथलेटिक्स सेम्पियनसिपआव 8.37 मिटार जान्थायनि दिन्थिफुनानै सिलभार मेडेल देरहानायजो पेरिस अलिम्पिकनि थाखाय क्वालिफाइ जादोमोन। 25 बोसोर बैसोनि श्रीशंकरआ शांभाइ आरो दहाआव फारिये फैगो 27 एप्रिल आरो 10 मेखालि लान्थियै मोननै डहमन्ड लीग इभेन्टजो गावनि सिजनखौ जागायनो गोनांमोन। नाथाय बेनि सिगांनो ट्रेनिनि समाव जोखोम जानानै अलिम्पिकनिफ्राय जायखारनांगो जायो। मख'नो गोनांदि,



श्रीशंकरनि बिफा एस मुरलीआनो बिथानि कच महरै बिबानआव दड। श्रीशंकरनि बादिब्ला, गावनि देहायारि थासारिखौ बिफाया गावनिफ्राय साबसिन मिथियो। मानोना श्रीशंकरनि बिफायाबो सासे बारग' त्रिपल जाम्पारमोन। श्रीशंकरनि बिफा मुरलीआ खोला एसियायन गेम्सआव सिलभार मेडेल देरहानाय सासे एथलीट। 1992 एसियायन जुनियर एथलेटिक्स सेम्पियनसिपआव मुरलीनि बिमा केएस बिजिमलआ 800 मिटार रेसआव सिलभार मेडेल देरहादोमोन। श्रीशंकरनि बिफा मुरलीआ मोनसे समाव जौजो गफवनानै थायोमोन। नाथाय फिसाज्जानि गेलेनायखो नोजोर लाखिनायनि थाखाय बिथाडा बे हुदाखौ जानगायव लाखिदोमोन। टकिय अलिम्पिकआव श्रीशंकरआ फेलें जानायनि उनाव मुरलीआनो गावनि फिसाज्जलाखौ नोजोर लाखिदोमोन। मानोना बै समाव श्रीशंकरआ गात्रि थासारिजो डिप्रेसनआव गोलैनानै दडमोन। मानोना बिथाडा बे समाव गेलेनायखौ नागारनानै फरायनाय फासै गोसो होफिनो थिरंथा लादोमोन। बेबादि थासारिआव बिफाया जोथोन लानानै श्रीशंकरखौ भारतनि टप लं जाम्पार खालामो। श्रीशंकरआ 2022 वर्मिघम कमनवेल्थ गेम्सआव सिलभार मेडेल देरहादोमोन।